




ORA ATENCION BIRA VALIDACION:

UN PELIGER CRECIENTE PA HUBENTUD DI AWE



ANONIMO, CREATIVO, Y ESCALANDO: **3**
CON VIDEONAN DI AI TA HACI
CONFLICTO POLITICO MAS DURO

SI ESAKI TABATA CUALKIER OTRO SUBSTANCIA **4**
NOS LO A YAM'E UN
EMERGENCIA NACIONAL

AVESTRUZ: **6**
HOGE RAAD LO DICIDI
RIBA 14 DI APRIL



Payroll Pro
HRM
WWW.PAYROLLPROHRM.COM

WHY PAYROLL PRO BEATS THE REST



THE MOST TRUSTED, ALL-IN-ONE HRM & PAYROLL SOFTWARE

OFFICIAL DISTRIBUTOR

VCC REAL SOFTWARE
International NV REAL SUPPORT
www.vcc-nv.com

+297 583-7072

Ora atencion bira validacion:

Un peligro creciente pa hubentud di awe

UN di e peligernan mas subestima cu hubentud di awe ta enfrenta no ta droga, violencia, of hasta contenido explicito. **E ta algo mas keto y mucho mas penetrante:** E creencia cu atencion ta igual na validacion. Den un ambiente domina pa social media, conectividad constante, y interaccion basa riba prestacion, hopi hoben ta siñando midi nan balor no pa balornan of logronan, pero pa cuanto atencion nan ta ricibi.

E cambio aki ta sutil, pero su consecuencianan ta profundo.


Atencion no ta ocasional mas; e ta continuo, cuantifica, y publico. “Likes,” “views,” comentarionan, “shares,” y mensahenan priva ta duna ciclonan di feedback instantaneo. **Pa mentenan den desaroyo, esaki ta crea un asociacion poderoso:** Visibilidad ta igual na balor. Wordo nota ta sinti manera wordo confirma. Wordo ignora ta sinti manera wordo descarta. Cu tempo, balor propio ta bira regula externamente.

E peligro ta sinta den e hecho cu atencion ta moralmente neutral. E no ta distingui entre interes saludabel y intencion dañino, entre respet y explotacion. Ora atencion mes bira e recompensa, e pregunta no ta dicon un hende ta wak mas, sino simplemente cu nan ta wak. Esaki ta haci hobennan vulnerabel — no solamente na presion di grupo, pero na manipulacion, explotacion sexual, y daño emocional.

Hopi hoben ta cuminsa forma nan comportacion rond di loke ta atrae atencion en bes di loke ta refleha ken nan ta. Apariencia, provocacion, shock, y conformidad ta wordo recompensa mas consistentemente cu autenticidad of restriccion. Como resultado, limitenan ta desgasta. Tumamento di riesgo ta aumenta. Silencio of privacidad ta cuminsa sinti manera fracaso.

E dinamica aki ta especialmente peligroso den adolescencia, un etapa defini caba pa formacion di identidad y comparacion social. Ora atencion bira e moneda principal, hobennan ta siña “actua” en bes di desaroya. Nan ta bira hopi sensibel pa feedback, herida facil pa rechazo, y cada bes mas ansioso tocante visibilidad. Problemanan di salud mental manera ansiedad, depresion, y autoestima abou ta wordo amplifica, no alivia, pa exposicion constante.

Mas preocupante ainda ta con atencion-como-validacion ta troce huicio. Atencion persistente por wordo mal interpreta como cuido. Comportacion intrusivo por sinti halagado. Presion por wordo ekiboca pa interes. Ora atencion sinti



scars of adictivo, neng’e ta sinti irracional — hasta ora e ta bin na un costo personal.

Adultonan hopi biaha ta subestima e riesgo aki pasobra atencion semper a existi. Loke a cambia ta escala, velocidad, y permanencia. E atencion di awe nunca ta dispare completamente. Pantayanan ta sigui hubentud den camber, klas, y espacionan social. No tin tempo di recuperacion, ningun silencio natural den cual identidad por estabilisa.

Sociedad tambe ta manda mensahenan mixto. Hobennan ta wordo bisa pa ta sigur di nan mes, visibel, y expresivo, mientras simultaneamente nan ta wordo adverti tocante e peligernan di exposicion. Sin guia cla, atencion ta bira tanto e meta como e trampa.

E solucion no ta retiro for di tecnologia, ni panico moral. E ta educacion tocante e diferencia entre atencion y validacion. Validacion ta tocante wordo balora pa ken bo ta; atencion ta simplemente wordo nota. Uno ta construi identidad. E otro por haci’e bashi di paden.

Esaki no ta un problema di futuro. E ta uno presente — y e ta exige reconocimiento prome cu un generacion completo crece confundiendo visibilidad cu balor.

Anonimo, creativo, y escalando:

Con videonan di AI ta haci conflicto politico mas duro

NA Aruba, polarisacion politico no ta nada nobo. Loke ta nobo ta e set di hermentnan cu awor ta wordo uza pa intensifik'e. Den e aña tras di lomba, un tendencia cla y preocupante a surgi: ***Creadornan di contenido politicamente venena na ambos banda di e espectro politico ta wordo amplifica pa videonan, imagen, y narativanan altamente sofisticada genera pa AI (Inteligencia Artificial).*** E resultado ta un fase nobo di conflicto politico — uno cu ta visualmente impresionante, emocionalmente manipulativo, y mayormente sin regulacion.

Paginanen anonimo di Facebook a bira e frente di batalla. E paginanen aki, hopi biaha sin doño identificabel of dunamento di cuenta, ta saca contenido impulsa pa AI diseña pa ridiculisa, distorsiona, y desacredita oponentenan politico. E creatividad ta innegabel. E balor di produccion ta impresionante. Algun di e videonan aki ta competi cu campananan di mercadeo profesional of “trailers” di cine. Pero e intencion tras di nan no ta arte of debate — e ta atake.

Aki ta unda e peligro ta sinta.

AI a baha e barera entre imaginacion y ehecucion. Cu e instruccionnan (“prompts”), hermentnan, y edicion corecto, individuonan of gruponan chikito awor por produci contenido cu antes tabata rekeri ekiponan completo di produccion. Visualnan stilo “Deepfake,” caricaturanan exagera, musica emocional, bos manipula, y narativanan cuidadosamente forma ta wordo desplega no pa informa votado, pero pa incita nan.

Loke ta haci e fenomeno aki especialmente compleho ta e paradox den su nucleo. Mientras e uzo politico di contenido di AI ta profundamente prob-



lematico, e talento creativo tras di dje ta innegabel. E storia (“storytelling”), ritmo, composicion visual, y ehecucion tecnico ta sugeri habilidadnan cu — bou di circunstancianan diferente — por a haya luga facil den pelicula, publicidad, of mercadeo digital. Den otro contexto, e mesun creatividad aki lo wordo celebra.

En cambio, e ta wordo uza como arma.

Esaki ta e punto unda responsabilidad no por wordo pasa mas solamente pa paginanen anonimo. Ambos banda politico mester bira consciente di loke nan ta habilitando. Cada bes cu un base di partido aplaudi, comparti, of acepta un video di atake di AI pasobra e ta dirigi riba “e otro banda,” e ta legitima e tactica. Retaliacion e ora ey ta bira inevitabel. Cada video nobo mester bay mas leu cu esun anterior pa resalta den e desordo.

Asina liñanan ta cuminsa bira vago — y eventualmente desaparece.

Trempa of laat, limitenan lo wordo crusa cu no por wordo deshaci. Siguridad personal, reputacion, y cohe-

sion social no ta recursonan infinito. Ora politica bira un guerra visual sin freno etico, e escalacion no ta keda digital pa semper. Historia ta muestra cu deshumanisacion sosteni, hasta ora e ta envolvi den humor of creatividad, tin consecuencianan den mundo real.

Tambe tin un ilusion peligroso di distancia. Politiconan por kere cu nan ta proteha pasobra e contenido ta bin di pagina anonimo. Pero e proteccion ey ta fragil. Si e paginanen ey perde nan anonimato — via exposicion, filtracion (“leaks”), of presion legal — e daño cu nan a causa lo no desaparece. E rabia, resentimiento, y hostilidad cu nan a alimenta lo ta na bista caba.

Na e punto ey, lo no ta creibel mas pa lidernan politico bisa, “*Esaki no tabata nos.*” Acepta e tendencia, beneficia di dje, of nenga di conden’e ta un forma di respaldo. Silencio ta bira complicidad.

E pregunta no ta si e tendencia aki ta impresionante. E ta si esnan den poder — y esnan cu ta sostene nan — ta dispuesto na par’e prome cu e bira violentamente mahos.

Si esaki tabata cualkier otro substancia

Nos lo a yam'e un emergencia nacional

Imagina bo wordo adverti tocante un substancia cu e siguiente perfil

E ta afecta huicio, ta baha tempo di reaccion, y ta reduci inhibicion. E ta aumenta agresion, tumaumento di riesgo, y comportacion impulsivo. E ta contribui directamente na accidentnan di trafico fatal, hogamento, caida, y asalto. E ta liga na malesa di higrá, problemanan di curason, varios cancer, depresion, y dependencia a largo plaso. E ta alimenta violencia domestico, negligencia di mucha, y kiebro di famia. E ta sobrecarga sistemanan di cuida medico, ta yena salanan di emergencia, y ta desvia recursonan di polis for di otro necesidadnan di seguridad publico.

Awor imagina bo wordo bisa cu e mesun substancia aki tabata responsabel pa mortonan den trafico e aña aki.

Ningun sociedad responsabel lo a djis hisa schouder

pa e descripcion ey. Ningun trahado di maneho serio lo responde cu advertencianan cortos, controlnan predicibel, y campananan di conscientisacion recicla. E reaccion lo tabata inmediato, firme, y structural. Disponibilidad lo wordo cuestiona. Ehecucion di ley lo intensifica. Tratamiento y prevencion lo wordo expandi. E substancia lo wordo trata pa loke e ta: un peligro cla y presente.

Toch ora e descripcion aki stop di ta hipotetico, urgencia ta disparce.

Cada aña, e daño ta ripiti su mes cu predicibilidad casi perfecto. Chokenan fatal ta wordo etiketa como “tragico.” Admisionnan den hospital ta wordo trata como rutina. Controlnan di polis repetidamente ta gara chauffeurnan bou influencia, hopi biaha hasta ora controlnan ta wordo anuncia di antemano. E patronchi ta visibel, midibel, y bon documenta. Y toch, e respuesta ta keda mayormente sin cambio.

Esaki ta bisa nos algo incomodo: E problema no ta un falta di informacion. E ta un falta di boluntad.

Ora daño ta asina consistente, e no ta un asunto mas di mal decisionnan individual. E ta un fayo sistémico. Un substancia cu repetidamente ta mina huicio y aumenta riesgo no por wordo maneha principalmente via mensahe nan di responsabilidad personal. E acercamento ey ta asumi tumamento di decision racional for di algo cu, pa definicion, ta kita huicio racional.


E costo no ta abstracto. E ta wordo paga pa victima cu nunca a consenti na e riesgo. Famianan cu ta perde sernan keri. Personal di emergencia cu ta yega demasiado laat. Hospitalnan cu ta absorbe trauma prevenibel. Muchanan cu ta crece den hogarnan instabil forma pa dependencia y violencia. Comunidadnan cu ta normalisa perdida en bes di preveni'e.

Loke ta haci e situacion aki specialmente peligroso ta familiaridad. E substancia ta ancla den bida social, celebracion, alivio di stress, y rutina. Pasobra e ta comun, e ta bira invisibel. Pasobra e ta legal y culturalmente proteha, su consecuencianan ta wordo suavisa den lenguahe publico. Mortonan ta bira accidente. Patronchinan ta bira coincidencia.

Pero resultadonan no tin oido pa tradicion of comodidad. Resultadonan ta midi daño so.

Si e substancia aki wordo introduci awe — nobo, desconoci, sin proteccion cultural — tin poco duda con e lo wordo regula. E echo cu e ta existi pa generacionnan no ta haci'e mas sigur. E ta haci sociedad solamente mas tolerante na su daño.

Pues e pregunta cu nos mester haci no ta si e daño ta existi. Claramente e ta existi. E pregunta ta si nos a duna e substancia aki un pase permanente simplemente pasobra nos ta reconoce su nomber y ta acepta su presencia.



The Birdie
• CLUB HOUSE RESTAURANT •



FEBRUARY 8, 2026 | 8:30PM
EXPERIENCE THE SUPER BOWL ON OUR 98" SCREEN!

BUCKET & BITES STARTING AT \$35



TIERRA
DEL SOL
BY IBEROSTAR*
GOLF COURSE

RESERVATIONS ONLY BY PHONE:
THE BIRDIE AT TIERRA DEL SOL +297 5867800 EXT. 242 OR 231
TDSBA1@IBEROSTAR.COM | TDSBA2@IBEROSTAR.COM



Avestruz:

Hoge Raad lo dicidi riba 14 di april



AYERA Abogado-General a conseha Hoge Raad pa mantene e condena di minister anterior di Desaroyo Espacial, Infraestructura y Medio Ambiente,

O.B.S., den e caso 'Avestruz'.

Na aña 2024, Corte Comun di Husticia a condena e ex-minister pa complicidad di estafa di Pais Aruba, corrupcion pasivo y malversacion.

Tambe pa loke ta e dos otro sospechosonan, cu a wordo condena (entre otro) pa omkoping di e minister, Abogado-General a conseha Hoge Raad pa mantene nan condena.

Hoge Raad lo dicta riba 14 di april venidero.

E dictamen di Abogado-General ta trata un analisis huridico independiente di e caso. Hoge Raad no ta mara na tuma e conseho aki, aunke den practica e tin hopi peso y ta wordo sigui regularmente. Sinembargo, Hoge Raad por kita di dje.

Avestruz ta un caso serio, cu acusacionnan grave contra e ex-minister. Su actonan a kibra y a mina profundamente e confiansa cu sociedad por tin den un gobierno cu ta funciona cu integridad.

Corte Comun di Husticia a condena S. pa un castigo di prizon di 48 luna, di cual 12 luna ta condicional y un tempo di prueba di 3 aña.

Ademas el a wordo despoha di su derecho pa presenta su candidatura pa un cargo politico y a perde su derecho pa tene cualkier cargo publico pa un periodo di 5 aña di tempo.

Ademas ta asina cu na 2025 Corte den Prome Instancia a dicta sentencia den e procedimiento di decomiso (ontnemingsprocedure) cu Ministerio Publico a hiba contra e ex-minister, y a bay de acuerdo cu e ontneming di Afl. 840.000.

renewed you,
refined eforea
a new era of wellness begins here

eforea
SPA
Hilton Aruba Caribbean Resort & Casino

Open Daily 10:00 am – 6:00 pm | +297 526 6052
auahh_eforea_aruba@hilton.com

J.E. Irausquin Blvd. 81, Palm Beach | hiltonaruba.com | @hiltonaruba



— 08 FEB —

GO BIG FOR THE BIG GAME

JOIA ARUBA Gazebo Terrace

5:30PM

Balashi / Chill Beer Buckets Special
Big Game BBQ Special
Giant Screen with Surround Sound



Scan QR Code for Reservations Super Bowl Experience

JOIA
BY IBEROSTAR

JOIA Aruba offers a seamless, fully cashless experience.

Stimami Sterilisami ta sterilisa mas cu 46,350 cachó y pushi

Y ta sigui ofrece sterilisacion 100% gratis durante 2026

STIMAMI Sterilisami a logra un otro año di gran impacto den su dedicacion permanente pa alivia sufrimento di animalnan na Aruba mediante sterilisacion di cachó y pushi. Durante 2025, e fundacion a logra financiancia e sterilisacion di 6,405 cachó y pushi, un logro remarcabel cu ta trece e total di sterilisacion desde 2016 te na 46,352.

E resultado di 2025 a bira posibel danki na un esfuerso colectivo, cu ta distribui den lo siguiente:

- **Caduary Veterinary Clinic, den colaboracion cu Luna Foundation:** 2,424 sterilisacion
- **Animal Welfare Alliance Aruba (AWAA), enfoca riba famianan cu entrada abou:** 1,652 sterilisacion
- **Veterinary Specialty Hospital (animalnan sterilisa via fundacionnan di rescate):** 1,322 sterilisacion
- **Veterinary Specialty Hospital (animalnan sterilisa door di doño individual):** 859 sterilisacion

Esaki no ta simplemente cifranan; ta bida cu a cambia, sufrimento cu a wordo preveni, y un futuro mas saludabel y mas sigur pa animalnan, nos comunidad y salud publico pa e comunidad Arubano den su totalidad.

Gradicimento na nos patrocinado y aliadonan cu ta haci esaki posibel

Fundashon Stimami Sterilisami su mas sincero gradicimento ta bay na tur sostenido y boluntario cu ta sostene nos mision, incluyendo Bucuti & Tara Beach Resort, Tourism Product Enhancement Fund (TPEF), Aruba Tourism Authority (ATA), One Love Foundation Inc., Setar N.V., Aruba Hotel & Tourism Association (AHATA), y tur otro organisacion y sostenido priva cu a brinda nos sosten durante 2025 y añanan anterior. Bo fe den prevencion, solidaridad, y responsabilidad ta fundamental pa e trabou di gran balor cu nos ta realisa.

Nos ta profundamente agradecido na nos aliadonan clave cu a contribui na e resultado positivo aki, incluyendo nos clinicanan veterinario dedica: **VSH Veterinary Specialty Hospital y Caduary Veterinary Clinic, cu su colaboracion cu Luna Foundation a resulta esencial.** Nos ta reconoce tambe e labor di Animal Welfare Alliance Aruba (AWAA), un clinica cu ta ofrece sterilisacion sin costo pa cachó y pushi di famianan cu entrada limita.

Nos ta extende nos gratitud na e organisacionnan di rescate cu a traha incansablemente pa yega cu e animalnan na e clinicanan, asina como na comunidad Arubano y doñonan di mascota cu a haci e escogencia responsabel pa sterilisa nan mascotanan—protegiendo nan salud y asina preveni crea no desea. Nos tambe ta orguyoso pa colabora y duna sosten na Snoop Doggy Foundation, cu su buki educativo riba cuida responsabel di mascota y ta inspira e generacion di mañan pa trata animalnan cu amor, responsabilidad y respet.

Un programa humanitario y comproba cu Aruba no por perde

E impacto di sterilisacion ta acumulativo y e riesgo di sobrepoblacion por crece rapidamente si e trabou wordo suspende. Den Aruba su clima cu crea ta tuma luga tur año, un solo animal no sterilisa por trece un expansion rapido di poblacion. Por ehempel, un pushi

muhe no sterilisa por hunto cu su descendiente, produci mas cu 11 milyon pushi den solamente seis año. Un cachó macho sin sterilisa por resulta den mas cu 67,000 descendiente den e mes un periodo. E cifranan aki ta demostra claramente con sobrepoblacion por sali fo'i control sin intervencion na tempo y na scala suficiente.

Sin un esfuerso continuo di sterilisacion, miles di cachó y pushinan nobo lo nace tur año, creando presion riba asilonan y fundacionnan di rescate, aumentando sufrimento di animalnan, y tin un impacto negativo riba nos comunidad y nos economia cu ta basa riba turismo. Aunke ley mas fuerte, mas aplicacion di regla y doñonan mas responsabel ta necesario, e origen principal di e problema ta falta di prevencion. Sterilisacion ta keda e solucion mas eficiente, humano y sostenibel den nos poder pa reduci sufrimento, proteha salud publico, nos medio ambiente y bienestar di nos comunidad.

Sterilisacion ta sigui gratis y accesibel durante 2026

Na 2026, Stimami Sterilisami ta orguyoso pa confirma cu e proceduranan di sterilisacion den su programa nacional lo keda 100% gratis, garantizando cu e servicio keda accesibel den cada area di nos isla.

Manera semper, e subsidionan disponibel na nos veterinario participante—VSH Veterinary Specialty Hospital y Caduary Veterinary Clinic—ta inclui antibiotica, medicina contra inflamacion, anestesia y un microchip gratis cu instalacion profesional.

Pa registra bo mascota pa e subsidio, por bishita www.stimamisterilisami.com y sigui e paso di registracion.

Cu bo sosten nos ta continua nos compromiso pa traha di 2026 un otro año sobresaliente den nos esfuerso pa promove bienestar di animalnan na Aruba. Hunto nos por logra mas.

Pa mas informacion of pa contribui, bishita: www.stimamisterilisami.com

Tocante Fundashon Stimami Sterilisami

Fundashon Stimami Sterilisami ta un organisacion caritativo dedica na reduci den un manera humano e cantidad di pushinan y cachonan bandona na Aruba, mediante su programa di sterilisacion cu ta cubri full e isla. E fundacion ta uza 100% di e donacionnan pa yuda cubri e costo di sterilisacion pa doñonan individual di mascotanan y organisacionnan boluntario cu ta cuida animalnan di caya.

E organisacion ta mantene un administracion financiero transparente, cu su contabilidad habri y su cifranan ta audita regularmente pa sigura claridad y confiansa total.

Pa contribui na e causa, donacionnan por wordo haci via transferencia bancario:

Bank: Aruba Bank

Account Number: 6012630190

Account Name: FUNDASHON STIMAMI STERILISAMI

Swift Code: ARUBAWAX



Stimami. Sterilisami.


ARUBA, DANKI DI CURASON
GRACIAS DE CORAZÓN
THANK YOU

BECAUSE OF THE UNWAVERING SUPPORT OF OUR COMMUNITY, RESCUE PARTNERS, AND DONORS, 6,405 DOGS AND CATS WERE STERILIZED THROUGH STIMAMI STERILISAMI’S PROGRAM IN 2025 ALONE. THAT BRINGS OUR TOTAL IMPACT TO:

46,352

STERILIZATIONS SINCE 2016

HOW WE REACHED 6,405 STERILIZATIONS IN 2025



EVERY BAR REPRESENTS LIVES CHANGED, SUFFERING PREVENTED, AND FUTURES PROTECTED.

WITH DEEP GRATITUDE TO OUR DONORS

- BUCUTI & TARA BEACH RESORT
 - TOURISM PRODUCT ENHANCEMENT FUND (TPEF)
 - ARUBA TOURISM AUTHORITY (ATA)
 - ONE LOVE FOUNDATION INC.
- SETAR N.V.
 - ARUBA HOTEL & TOURISM ASSOCIATION (AHATA)
 - & EVERY ORGANIZATION AND PRIVATE DONOR IN 2025 AND BEFORE

- YOUR BELIEF IN PREVENTION, COMPASSION, AND RESPONSIBILITY MAKES THIS WORK POSSIBLE -



2026 PROGRAM — 100% FREE STERILIZATION CONTINUES

STERILIZATION • MICROCHIP • CARE
WWW.STIMAMISTERILISAMI.COM

UFA ta reafirma:

Agricultura local ta un pilar pa resiliencia di Aruba



NA entrada di 2026, United Farmers Association of Aruba (UFA) ta expresa su speransa cu confianza pa e aña cu ta bini y ta reafirma su compromiso pa fortalece produccion local di cuminda como un pilar esencial pa resiliencia nacional.

E interrupcionnan cu Aruba a sinti despues di e eventonan di 3 di januari na Venezuela, cu a resulta den cancelacion di hopi vuelo y inseguridad logistico, a sirbi como un recordatorio claro, similar a loke nos a biba durante COVID-19, di con rapido evento externo por afecta e cadena di suministro

di nos isla.

E momentonan aki ta muestra cu soberania alimentario mester keda un prioridad strategico. Aruba no por perde di bista e leccionnan aprendí den tempo di crisis, ora acceso na importacion por wordo limita y capacidad local bira crucial.

UFA constantemente a enfatisa e importancia di incentiva y proteha nos comunidad di agricultor. Agricultornan local no ta solamente productor di cuminda; nan ta un salvaguardia importante pa Aruba, manteniendo e conocimiento, capacidad y infraestructura necesario pa garantiza continuidad di suministro di alimento ora sistema internacional ta wordo interumpi.

Mientras condicionnan regional ta estabilisa y mercado ta bolbe na normal, UFA ta adverti gobierno y comunidad pa no bolbe cay den un dependencia excesivo riba produccion importa barato. Asequibilidad di corto plaso no mester socava resiliencia di largo plaso. Sosten continuo di politica ta esencial, incluyendo acceso na tera, awa, utilidadnan electrico, financiamiento y tecnologia, asina tambe extension y mehoracion di incentivo fiscal existente cu ta permiti agricultornan local keda competitivo pa reinverti den sistema di produccion moderno, eficiente y sostenibel. Esaki lo yuda garantiza cu agricultura local por keda viabel y competitivo na largo plaso.

United Farmers Association of Aruba ta mira 2026 cu bon speransa, convenci cu, cu prioridadnan claro y compromiso consistente, Aruba por sigui construi un sistema alimentario mas fuerte, mas auto-suficiente y mas resiliente, cu ta sirbi tanto e agricultornan como e comunidad mas amplio.

Tocante United Farmers Association of Aruba
United Farmers Association of Aruba ta representa y sostene agricultornan local, y ta boga pa un sector agricola resiliente, sostenibel y competitivo cu ta contribui na siguridad alimentario di largo plaso pa Aruba.

START YOUR DAY IN PARADISE

laguna

**OPEN DAILY
7 – 11 AM**

For reservations +297-526-6680

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

Hilton
ARUBA CARIBBEAN
RESORT & CASINO

NEW MENU

TACONÓMICOS

Double Stacked Taco

COME BON,
PAGA MENOS.

Tene cuidao

Scammers ta uza imagen di Gobernador pa gaña pueblo

DEN e dianan aki, un fenomeno hopi peligroso a cuminsa circula riba rednan social, specialmente riba Facebook. Criminalnan digital ta uzando tecnologia avansa di inteligencia artificial pa crea videonan falso, conoci como deep-fakes, caminda ta ilustra e imagen y e bos di nos Gobernador, Alfonso Boekhoudt.

Den e propaganda engañoso aki (pa colmo den nos propio idioma Papiamentu), e figura di e mandatario ta wordo uza pa pidi e pueblo pa inverti nan placa den plataformanan anonimo cu e promesa di bira rico rapidamente. Esaki ta un fraude total y un intento directo pa probecha di e confiansa di nos ciudadanonan.

Un atake directo riba confiansa y institucion

E uzo di e imagen di Gobernador no ta un casualidad. E scammers sa cu e posicion di Gobernador ta representa integridad y autoridad maximo na nos pais. Door di uza su cara, nan kier crea un gevoel falso di seguridad cerca e persona cu ta mira e video. Ora un ciudadano mira un figura asina importante papia di inversion, nan defensa ta baha mas lihe. Sinembargo, mester keda hopi cla cu e tipo di promocion aki ta totalmente contra tur protocol di e oficina di Gobernador. Un mandatario den su funcion oficial nunca lo uza rednan social pa fungi como un “influencer” financiero of pa promove plataformanan di inversion priva.

E consecuencianan legal y criminal

E hecho aki riba su mes ta castigabel pa ley. Creacion y distribucion di e tipo di contenido aki ta encera varios delito serio. Di prome, tin e ladroncia di identidad digital. Di dos, tin e fraude financiero caminda meta principal ta pa horta placa di esnan cu ta cay den e trampa. Na Aruba, e Cyber Crime Unit di Cuerpo Policial tin e tarea pa investiga e tipo di actonan aki. Esnan cu ta tras di e propagandanan aki por enfrenta castigo di prizon y boetnan sumamente halto pa nan actonan criminal. E daño cu esaki ta causa na e imagen di nos pais y na e siguransa financiero di nos hendenan ta incalculabel.

Con pa reconoce un fake?

Pueblo mester bira mas sabi ora di consumi contenido digital. Hopi biaha e videonan aki tin detayenan cu ta revela nan falsedad. Por ehempel, e movcion di e boca no semper ta cuadra 180 por ciento cu e palabranan cu bo ta scucha. Tambe, e bos por zona un poco artificial of e lenguahe uza por tin erornan di gramatica cu un mandatario nunca lo comete. Mas importante ainda, mester cuestiona e contenido mes: placa facil no ta existi. Si e oferta ta zona demasiado bunita


Frost Michal
Sponsored ·

This statement shocked the country: this is how it will affect everyone.

LIVE

LATEST NEWS



THE STATE INVESTMENT PLATFORM GUARANTEES AN INCOME OF **AWG 1800 PER WEEK.**

INVEST **AWG 450 TODAY AND RECEIVE YOUR FIRST PAYMENT INTO YOUR BANK ACCOUNT TOMORROW**

datadepot.biz

No one expected this! Read more here. [Learn more](#)

 1
 
 2
 

pa ta berdad, e ora e ta un engaño.

Un yamada na vigilancia

Ta hopi importante pa no comparti e tipo di propagandanan aki, pasobra compartiendo bo ta yuda e criminalnan yega na mas victima. Si bo topa cu un video asina, e miho cos cu bo por haci ta reporta e post mesora na e plataforma di Facebook y avisa bo famia y conocinan pa nan no cay den e trampa. No click riba linknan cu ta compaña e videonan aki, pasobra nan por wordo uza pa instala virus riba bo telefon of horta bo paswoordnan di banco.

Nos mester proteha e integridad di nos institutonan y e bienestar financiero di cada hogar na Aruba. Vigilancia y educacion digital ta nos miho defensa contra e ladronnan moderno aki.

Weekly SPECIALS

30 JAN - 05 FEB '26



APPLES GALA 3LBS



BLUEBERRIES 6OZ



CABBAGE GREEN USA



PANAMEI BREADED CALAMARI
16oz



GWOON FRANSE FRITES 1KG



FRIKANDELLEN 20st



PORK LOIN RIBS 10KG



RIB EYE BRAZIL RESERVE



CHICKEN GYROS

*Promocion ta valido desde 30 di jan pa 05 di febr 2026 y tanten cu tin den stock.

SUPER
Do it Center

Prevencion, mantencion, dunamento di cuenta:

Tres palabra cu Aruba ta sigui ignora

SI Aruba berdaderamente por compromete na djis tres principio—prevencion, mantencion, y dunamento di cuenta—e isla lo tabata caba den un luga hopi miho. No un dia. No despues di un otro reforma. Awor.

Esakinan no ta conceptonan abstracto. Nan ta disciplinanan practico. Y nan ausencia ta splica dicon e mesun problemanan ta keda bolbe bou di titularnan diferente.

Prevencion ta nifica actua prome cu daño bira visibel. Aruba ta excelente den reacciona y teribel den anticipa. Nos ta warda pa accidentnan prome cu drecha caminda, pa crisis prome cu reforma sistemanan, pa escandalonan prome cu hisa control. Sea ta siguridat publico, cuido medico, infraestructura, asuntonan hubenil, of abuso di substancia, e patronchi ta mescos: **Advertencianan ta wordo ignora te ora e costo bira inevitabel.** Prevencion ta mas barata, mas sigur, y mas humano—pero e ta rekeri curashi politico y pensamento a largo plaso, no conferencia di prensa.

Mantencion ta hasta menos atractivo, y p'esey hasta mas negligisha. Nos gusta proyecto nobo, anuncio nobo, edificio nobo, ley nobo. Loke nos tin lucha cu ne ta mantencion (“upkeep”). Sistemanan ta wordo construi y despues laga pa putri pocopoco. Camindanan ta deteriora. Institucionnan ta perde efectividad. Polisanan ta existi riba papel pero no ta wordo actualisa, forsa, of revisa. Mantencion no ta fracaso—e ta responsabilidad. Un sociedad cu no por mantene loke e tin caba semper lo persigui progreso cu e no por sostene.

E ora tin e palabra mas incomodo di tur: **Dunamento di cuenta.**

Dunamento di cuenta ta unda intencionnan ta wordo poni na prueba. E ta nifica cu decisionnan tin consecuencia. Cu erornan ta wordo reconoci. Cu responsabilidad no ta desaparece tras di comisionnan, proceduranan, of silencio. Na Aruba, dunamento di cuenta hopi biaha ta stop na nivel di publico. Ciudadanonan ta spera di cumpli, paga, y adapta. Institucionnan, sinembargo, raramente ta wordo teni na e mesun standard. Fayonan ta wordo splica, normalisa, of lubida—pero masha poco biaha asumi.

E desbalance aki ta mina confiansa mas lihe cu cualkier problema economico. Hende no ta perde fe pasobra sistemanan ta imperfecto; nan ta perde fe pasobra nunca ningun hende ta responsabel ora cos bay robes.

E tres principionan aki ta conecta. Sin prevencion, mantencion ta bira maneho di crisis. Sin mantencion, prevencion ta faya. Sin dunamento di cuenta, ningun di dos ta importa.

Aruba no falta inteligencia, talento, of recurso. Loke e falta ta disciplina den aplica e principionan aki consistentemente—specialmente ora e ta inconveniente. Prevencion no ta produci recompensa politico instantaneo. Mantencion no ta traha titular. Dunamento di cuenta ta traha enemigo.

Pero e costo di evita nan ta visibel tur caminda: Accidentnan ripiti, escandalonan recurrente, institucionnan fragil, y un publico cu ta bira mas cinico cu cada ciclo.

Si Aruba kier progreso real, e combersacion mester cambia. No pa slogannan nobo, sino pa e tres palabranan aki—y kico realmente e ta nifica pa biba pa medio di nan.

Pasobra un sociedad cu ta domina prevencion, compromete na mantencion, y forsa dunamento di cuenta no ta djis funciona miho.

E ta gana confiansa.



SUNSET GRILLE
Where Classic Delights
Serve Modern Twists

Open Daily 5:30 pm – 10:30 pm

J.E. Irausquin Blvd. 81, Palm Beach | hiltonaruba.com | @hiltonaruba
+297-526 6612 | AUAHH_SunsetGrille@hilton.com

Weekly SPECIALS

30 JAN - 05 FEB '26

NEW
PRODUCT



POOL SODA DRINK
ASSORTED 400ML

NEW
PRODUCT



POOL SODA DRINK
ASSORTED 1000ML

NEW
PRODUCT



POOL SODA DRINK
ASSORTED 1700ML

NEW
PRODUCT



POOL SODA DRINK
3020ML



PRINGLES ASSORTED 5.5 OZ



ROGER'S CHIPS HANDCOOKED 150GR
ASSORTED



HI PET ALIMENTO PARA PERROS 8kg




NUTRO SABOR POLLO Y CARNE
25KL



NUTRION CACHORROS SABOR
CARNE Y POLLO 10KL

*Promocion ta valido desde 30 di jan pa 05 di febr 2026 y tanten cu tin den stock.

SUPER Do it Center®



COMERCIO

Ora e fundado bira e “bottleneck”:

Sa ki ora pa contrata un experto

DEN e prome diana di cualquier negoshi, e fundado ta e motor. Cada decision, benta, y solucion ta core via un persona. Na e etapa aki, e concentracion di control ey ta sinti eficiente — hasta necesario. Velocidad ta conta, recursionan ta limita, y e vision ta fragil ainda. Pero loke ta traha den comienso por, silenciosamente, bira e obstaculo mas grandi pa crecimiento.

Esaki ta e momento ora e fundado bira e “bottleneck” (e punto di congestion).


Un “bottleneck” ta aparece ora demanda ta existi, oportunidadnan ta real, y toch progreso ta baha velocidad pasobra tur cos ainda ta depende di un persona. Decisionnan ta warda. Ehecucion ta stagna. Calidad ta bira inconsistente. E negoshi no ta limita mas pa e mercado, sino pa e tempo, energia, y experticio di e fundado.

E reaccion natural ta pa pusha mas duro. Dianan mas largo, menos pauze, disponibilidad constante. Hopi fundado ta bisti agotamento como un medaya di honor. Pero esfuerzo no por reemplasa estructura. Na un cierto punto, traha mas duro ta sconde e problema real: **E compania a crece mas aleu di loke un persona por maneha competentemente su so.**

Aki ta unda contrata un hende educa den e campo ta bira critico.

Fundadonan ta constructornan, no specialistanan den tur cos. Nan ta siña contabilidad, basiconan legal, operacion, mercadeo, of tecnologia pa necesidad — no pa dominio. Ora e areanan aki bira central pa operacionnan diario, improvisacion ta bira riesgoso. Erornan ripiti, decisionnan slow, y incertidumbre constante ta señalnan cu experticio profesional ta falta.

Un otro señal di advertencia ta duda. Ora decisionnan ta pisa mas cu nan mester, hopi biaha ta pasobra e fundado ta confiando riba intuicion unda conocimiento estructura ta rekeri. Profesionalnan educa ta trece marconan di trabou, data, y disciplina. Nan no ta reemplasa vision — nan ta



stabilis’e.

Hopi fundado ta retrasa e contratacion aki pa miedo. Miedo di perde control. Miedo di wordo desafia. Miedo di bira irrelevante den nan mesun compania. E miedonan aki ta emocional, pero e consecuencianan di retraso ta structural. Ora tur autoridad keda cerca e fundado, ekiponan ta stop di tuma iniciativa. Tur hende ta warda. Talento ta bay. E organizacion ta bira fragil, demasiado dependiente di un persona.

E experto corecto ta haci lo contrario. Nan ta crea sistemanan, no confusion. Nan ta absorbe complexidad. Nan ta reduci riesgo. Mas importante, nan ta libera e fundado pa enfoca riba loke un fundado so por haci: **Fiha direccion, construi cultura, y persigui crecimiento.**

Pues ki ora ta e momento corecto pa contrata un hende educa den e campo?

- Ora entrada ta limita pa bo tempo, no pa demanda
- Ora e mesun problemanan ta keda sali bek den un area
- Ora cumplimento, calidad, of velocidad ta cuminsa baha
- Ora bo ta haciendo trabou cu nunca bo a wordo entrena p’e
- Ora crecimiento ta sinti abrumador en bes di excitante

E eror mas grandi ta warda te ora un crisis forsa e contratacion. E ora ey, presion ta troce huicio y hopi biaha e persona robes ta wordo scogi. E miho momento ta net prome cu e “bottleneck” bira visibel pa cliente-, regulador-, of socionan.

Laga control los den un area no ta debilidad — e ta liderazgo. Fundadonan no ta perde relevancia door di contrata expertonan. Nan ta perde relevancia door di nenga di evolucion.



Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :


- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-6991702

Turning **Ideas** into Breakthrough **Solutions**



SALUD MENTAL

E paso mas dificil ta pidi:

Kico ta sigui despues di “mi mester di yudansa”?

TIN un momento cu hopi hende ta yega na dje, hopi biaha laat anochi of meymey di un dia cu ta sinti imposibel pa surpasa. E ruido den cabes no ta stop. Drumi no ta yuda. Distraccion no ta traha mas. Y finalmente, un pensamiento ta kibra e resistencia: **Mi mester di yudansa.**

Pa algun, e palabranan ey ta sinti manera alivio. Pa otro nan, nan ta trece panico. Pasobra unabes bo admiti cu bo mester di yudansa, e proximo pregunta ta dal duro: **Kico awor?**

Aki ta unda hopi hende ta pega. Sociedad ta papia sin fin tocante “*consciencia di salud mental*,” pero hopi menos tocante loke realmente ta pasa ora un hende ta lucha den tempo real. Consciencia no ta guia bo door di e momento ora bo ta sinti abruma, cu berguensa, spanta, of insegur ken pa confia.

E prome cos pa compronde ta esaki: Tin mester di yudansa no ta un fracaso. E ta un señal. Mescos cu dolor fisico ta bisa bo cu algo ta robes den e curpa, dolor emocional ta bisa bo cu algo mester atencion. Ignor’e no ta haci’e dispare — usualmente e ta haci’e zona mas duro.

E di dos realidad ta menos confortante, pero necesario pa bisa na bos halto: **Yudansa raramente ta instantaneo.** Pidi yudansa no ta drecha tur cos magicamente. Loke e ta haci ta cuminsa un proceso. Y procesonan por sinti slow, bruha, y frustrante. Esey no ta nifica cu nan ta inutil. E ta nifica cu curacion no ta un switch — e ta un caminda.

Pues kico un hende mester haci despues di admiti cu e mester di yudansa?

Cuminsa door di conta un persona di confiansa. No tur hende. No social media. Un persona cu por scucha sin husga. Esey por ta un amigo, un miembro di famia, un colega, of un profesional. E meta no ta pa resolve tur cos den e combersacion ey. E meta ta pa no ta bo so mas.

Despues ta bin sosten profesional — y aki ta unda hopi hende ta duda. Terapia, conseheria, of sosten medico ainda ta carga stigma. Algun tin miedo di haya un “*label*.” Otronan



tin miedo cu nan no lo wordo tuma na serio. Algun ta preocupa tocante costo, acceso, of cu lo bisa nan pa “*djis anda miho cu ne*.” E miedonan aki ta real. Pero angustia mental sin trata hopi biaha ta bira mas caro — emocionalmente, socialmente, y fisicamente — cu intervencion trempan hamas lo ta.

E ta importante tambe pa bisa esaki cla: Pidi yudansa no ta nifica cu bo ta “*kibra*.” Hopi hende cu ta funciona bon pafo — trabou, famia, responsabilidadnan — apenas ta tene nan mes hunto internamente. Lucha no ta cancela bo forza. E ta prueba cu bo a carga demasiado pa demasiado largo.

Lo tin dianan despues di pidi yudansa ora bo ta sinti pio, no miho. Esey no ta nifica cu bo a tuma e decision robes. Habri por laga emocionnan sali cu bo tabata suprimi. Esey no ta regresion — e ta exposicion. Y exposicion hopi biaha ta e prome paso real pa curacion.

Si bo ta na e punto di bisa “*Mi mester di yudansa*,” bo no ta debil. Bo ta honesto. Y honestidad ta e comienso di cambio.

Yudansa no semper ta yega cu hopi fanfaria — pero e no ta yega mes si nunca bo pidie.


LANTA 'RIBA
RADIO SHOW

f/lantariba
dialuna - diabierna
6:30am - 9:00am



AWEMainta

Costa Rica ta bay pa Derecha:

Laura Fernández ta uni n'e ola conservativo di Latino America

COSTA Rica a eligi su prome presidente femenino den dos decada — y cu esey, e pais a tuma un paso decisivo pa e banda drechi politico.

Laura Fernández, candidato di e partido conservativo-populista Partido Pueblo Soberano (PPSO), a gana e presidencia dia 1 di februari cu 48.94% di e voto. Cu mas di 80% di votonan conta, su bentaha ta suficiente amplio pa evita un segundo buelta. E victoria di Fernández tambe ta pusha su partido pa un mayoria legislativo, proyecta pa tene 30 di 57 asiento den Asamblea Nacional.

E ex-minister di obranan publico a haci campaña riba continua e polisanan di man duro di Presidente saliente Rodrigo Chaves, kende a respald'e como su sucesor. Su plataforma a enfatisa seguridad publico y control di frontera — un mensahe cu a resona cu votadonan meymey di un aumento den violencia relaciona cu droga y actividad di gang na Costa Rica.

Pero e victoria di Fernández no ta djis un logro nacional — e ta refleha un cambio regional mas grandi den Central y Sur America, unda lidernan di derecha cada bes mas ta ganando eleccionnan riba plataformanan di ley y ordo, liberalismo economico, y disrupcion institucional.

Na El Salvador, Presidente Nayib Bukele recientemente a sigura re-eleccion den un victoria aplastante, probechando di su accion fuerte contra gangnan. Mientras gruponan di derecho humano a bati alarma tocante arestonan masivo y detencionnan indefini, Bukele su indicenan di aprobacion ta keda sumamente halto. Fernández a expresa admiracion pa e resultadonan di seguridad di Bukele, aunke e ta bisa cu Costa Rica mester traha su mesun caminda.



Mas den zuid, na Argentina, libertario di extrema derecha Javier Milei a shock e arena politico cu su mensahe anti-sistema y promesanan pa uza “ketting-zaag” riba institucionnan estatal infla.

Na Ecuador, Presidente Daniel Noboa a declara estadonan di emergencia y a manda militar den prizonnan despues di un ola di narco-violencia.

E lidernan aki — Fernández inclui — ta comparti algun rasgo clave: Atractivo di ‘outsider’ (persona pafo di sistema), retorica duro, y un acercamento agresivo na retonan di seguridad cu a abruma marconan politico tradicional.

Fernández ta wordo mira como menos combativo cu su contrapartinan regional, pero su aliniacion cu e estilo populista di Chaves y su enfasis riba “*ordo prome cu ideologia*” ta pon’e firmemente denter di e ola conservativo nobo di Latino America. Analistanan ta adverti, sinembargo, cu e democracia tradicionalmente stabiel di Costa

Rica awor lo enfrenta pruebanan institucional mayor — particularmente si PPSO busca reformanan constitucional of choca cu poder hudicial.

Candidato di oposicion Álvaro Ramos, un di solamente dos candidato pa kibra e marca di 5% den un contienda yen di 20 persona, a priminti un oposicion constructivo. Pero su Partido Liberal Progresista lo tin influencia limita a menos cu un coalicion mas amplio forma pa desafia e agenda di Fernández.

Den un region tambaleando for di shocknan post-pandemico, crimen den aumento, y desconfiansa generalisa den partidonan estableci, votadonan claramente ta buscando liderazgo fuerte — hasta si e ta bin cu riesgonan democratico.

E victoria di Fernández ta pone Costa Rica firmemente den e tendencia regional: Mas pa drechi, mas populista, y mas enfoca riba combati crimen cu preserva politica di consenso.

El foro penal ta revela e cifranan

Cientos ainda cera na Venezuela

MIENTRAS gobierno Venezolano ta transmiti loke e ta yama un ola historico di liberacion di preso y ta introduci un ley di amnistia amplio, defensornan di derecho humano ta adverti mundo pa no wordo gaña: **Venezuela ta keda un nacion unda represion politico ta persisti y presonan politico ta sinta den cel a pesar di titularnan di celebracion.**

Den simannan recién, autoridadnan Venezolano —awor lidera pa Presidente interino Delcy Rodríguez— a papia di cientos libera, di reconciliacion, y di sanacion nacional. Pero monitoreo detaya pa gruponan di sociedad civil ta pinta un imagen hopi diferente: **E liberacionnan te asina leu ta limita, selectivo, y leu for di e liberacion genuino di victimanan di represion politico.**

Segun El Foro Penal, e organisacion Venezolano di derecho humano cu ta monitoria detencion arbitrario y encarcelacion politico, tabatin 711 persona cera riba basenan politico te laat den januari 2026 — e gran mayoria civil, cu decenas di personal militar y mas di 60 individuo di nacionalidad stranhero of dobel inclui den e conteo ey.

For di comienso di januari padilanti, Foro Penal a verifica mas o menos 302 excarcelacion documenta di hende cu e ta clasifica como preso politico, y rapportnan mas recién ta sugeri cu mas o menos 344 a wordo libera desde 8 di januari — un cifra significante riba papel, pero ainda solamente un fraccion di esnan deteni.

Hasta e cifranan aki no ta conta e storia completo. Hopi di esnan etiketa como “libera” ta keda mara na prohibicionnan di biahe, presentacion obligatorio na corte, of otro restriccionnan cu



ta viola e spirito di libertad berdadero. Lidernan di Foro Penal ta adverti cu sin eliminacion completo di cargonan motiva politicamente y libertad sin restriccion, e gestonan aki ta keda superficial den e miho caso.

Detenidonan prominente ainda tras di trali ta inclui ex-legisladornan, figuranan di oposicion, abogadonan, y activistanan. Casonan di perfil halto manera defensor di derecho humano Javier Tarazona, kende a wordo libera solamente despues di cuater aña den detencion, ta subraya e severidad di e crisis di husticia politico cu ta continua na tene e nacion den su gara.

Mientrastanto, gobierno tin cu publica ainda un lista transparente di tur esnan cu a wordo deteni of libera. En bes di esey, oficialnan ta cita cifranan acumula — reclamando mas di 800 liberacion desde prome cu december — cu analistanan y gruponan di derecho ta bisa ta infla of imposibel pa verifica.

Famianan di esnan deteni ta ofrece e testimonio mas conmovedor. Algun familiar a keda simannan largo pafo di facilidadnan notorio manera El

Helicoide y prizon Tocuyón, exigiendo no djis liberacionnan parcial pero libertad incondicional y husticia pa tur preso politico — incluyendo sernan keri kende nan nombrenan raramente ta yega titularnan internacional. Rapportnan hasta a nota e morto tragico di un mama na un vigilia exigiendo liberacion di su yiu homber, resaltando e costo humanitario mas aleu di estadisticanan.

Internacionalmente, algun observador a elogia e ley di amnistia proponi como un paso positivo, y tin presion for di gobiernonan stranhero urgiendo mas reforma. Pero gruponan di derecho Venezolano — incluyendo Foro Penal — ta urgi cautela: **Amnistia sin duna-mento di cuenta y transparencia completo ta core riesgo di bira un cobertura politico, no un mecanismo pa husticia.**

E mensahe for di sociedad civil Venezolano ta cla: No laga bo wordo seduci pa retorica estatal. E liberacionnan aki, parcial y selectivo, ta keda hopi cortico di dismantela e uzo sistematico di detencion pa silenciar disidencia.

Crisis di siguridad di Haiti ta profundisa

Ocho morto den operacion policial contra gangnan

POR lo menos ocho sospechoso miembro di gang a wordo mata durante un operacion policial mayor den capital di Haiti den fin di siman, subrayando e crisis di siguridad di e pais cu ta profundisando mientras autoridadnan ta lucha pa recupera control for di gruponan criminal fuertemente arma.

E operacion, ehecuta diasabra den areanan controla pa e gang poderoso 400 Mawozo, a tuma luga den seccionnan panort di Port-au-Prince, segun un declaracion di Polis Nacional Haitiano (PNH). E gang ta lidera pa Lanmò San Jou, un figura asocia pa largo tempo cu secuestro, extorsion, y control territorial.

Polis a bisa cu e operacion a resulta den e confiscacion di un rifle M16 y un arma di asalto estilo Kalashnikov, y a permiti autoridadnan habri bek y drecha un caminda clave cu ta conecta districtonan panort di e capital. E caminda, segun informe, a wordo haci inutilisabel pa actividad di gang, cortando efectivamente movimiento civil.

Entre esnan mata tabatin varios supuesto teniente kendenan a instala nan mes como lidernan “de facto” di barionan bou di control di gang. Polis a identifica nan pa nan apodo, incluyendo “Zotolan,” “Ti Toni,” “Brekè,” y “Ti Piquant.” Oficialnan tambe a cera tres buraco grandi coba pa gangnan den un intento aparente pa cera vehiculonan di polis.

E operacion a envolve vehiculonan blinda, tractor, y multiple unidad di polis, reflehando e naturalesa cada bes mas militarisa di operacionnan di siguridad interno di Haiti. Den un comunicado di prensa, PNH a bisa cu e obhetivo no tabata solamente pa neutralisa elementonan criminal, pero tambe pa restaura libertad di move-



mento pa residentenan bibando bou di menasa constante.

“Mas aleu di e medidanan di siguridad aki, trabou significante ta wordo realisa pa asina e poblacion por move libremente y sin miedo,” polis a bisa, reafirmando nan *“compromiso permanente”* pa proteha bida y propiedad.

E choke a coincidi cu un alerta di siguridad emiti pa Embahada di Merca na Haiti, cual a adverti ciudadanonan Mericano di operacionnan andando y *“tiroteo intenso”* den areanan panort, oost, y zuid di e tereno di embahada. Alertanan asina a bira cada bes mas comun mientras violencia ta continua na guli gran parti di e capital.

Den declaracionnan separa publica riba su canalnan oficial di social media, PNH a anuncia desplegamento reforsa y sosten logistico den varios departamento rond di e pais. E di 35 klas gradua di e forsa policial, cual a completa entrenamiento djis algun siman pasa, ta wordo desplega na cinco region, incluyendo Artibonite y Plateau Central, ambos severamente

afecta pa violencia di gang.

Segun oficialnan di polis, vehiculonan blinda adicional ta wordo mobilisa, y hefenan di polis departamental a wordo ordena pa intensifica patruyanan y operacionnan di siguridad.

E ultimo operacion ta parti di un campaña mas amplio lansa den simannan recién contra bastionnan di gang, incluyendo Delmas 6, controla pa lider di gang notorio Jimmy Chérizier, tambe conoci como Barbecue, y Croix-des-Bouquets, un otro area liga na e red di 400 Mawozo.

E situacion di siguridad di Haiti ta keda teribel. Den 2025 so, monitornan internacional a registra miles di matansa, secuestro, y desplazamento forsa, cu gangnan controlando un estima di 80 por ciento di Port-au-Prince.

Mientras operacionnan policial a intensifica den comienso di 2026, analistanan ta adverti cu sin sosten internacional sosteni y stabilisacion politico, ganashinan riba tereno por resulta temporario.

Canada su caminda nobo no ta cu Merca pero cu aliadonan nobo

PA decadanan, e maneho exterior y economico di Canada tabata alinea estrechamente cu su bisiña poderoso di zuid, Estados Unidos. Pero bou di Prome Minister Mark Carney, e era ey por ta yegando na un fin.

Papiando na e Foro Economico Mundial na Davos, Carney a entrega un mensahe impactante: ***E ordo mundial bieu, lidera pa Merca, a caba — y Canada mester mira otro caminda pa su futuro.*** “E sistema cu nos a construi despues di Guera Friu no ta biniendo bek,” el a bisa, urgiendo podernan mediano pa forma aliansanan nobo of core riesgo di bira “loke tin riba menu” pa superpodernan.

Tabata un declaracion di un lider ainda trempa den su termino. Pero e no tabata djis retorica. Carney ya ta pushando Canada den un direccion nobo — uno cu por distancia e pais for di Estados Unidos y hal’e mas cerca di otro hactornan global, incluyendo China, Union Europeo, y podernan mediano emergente na Asia y Africa.

Riba un bishita recién na China, Carney a firma un serie di acuerdonan di comercio y inversion, señalando un movicion deliberado pa diversifica lasonan economico di Canada. Mientras algun a mir’e como pragmatico, Cas Blanco tabata supuestamente furioso. Como respuesta, Merca a revoca Canada su asiento den un iniciativa di pas lidera pa Washington y a adverti di potencial sancionnan comercial si Ottawa fortalese lasonan cu Beijing.

Carney, sinembargo, no ta parece spanta. Tras di e cambio ta un creencia cu mundo ta dreitando un era mas



fragmenta y multipolar — y cu Canada no por permiti su mes keda mara na un solo socio. Su acercamento ta mescla diplomacia cauteloso cu un lectura realista di e tensionnan geopolitico di awe.

“Ainda nos ta balora nos relacion cu Merca,” Carney a bisa den un entrevista posterior, *“pero nos no ta bay ta un satellite di ningun hende. Canada mester ta resiliente — y esey ta nifica ta globalmente conecta, no djis regionalmente dependiente.”*

No ta tur hende ta convenci. Criticonan ta argumenta cu separa for di Merca por tin efecto contrario economicamente, specialmente ora Merca ainda ta representa mas di 70% di exportacionnan Canades. **Otronan ta teme consecuncianan politico:** Debilita lasonan cu Washington mientras ta acerca regimennan autoritario por mina e posicion global di Canada como un democracia liberal.

Toch, hopi analista ta bisa cu e mensahe di Carney ta refleha un cambio mas profundo cu ya ta andando. Paisnan manera Australia, Alemania, y Sur Korea tambe ta re-evaluando aliansanan tradicional, buscando pa proteha nan interesnan den un mundo menos predicibel. Canada por ta simplemente poniendo su mes al dia.

“Carney ta lesando e situacion,” un profesor di relacionnan internacional a bisa. *“E ta mira un Merca den decadencia, un China den ascenso, y un Occidente fractura. E no ta abandonando Merca, pero e ta bisando Canadesnan cu futuro no ta tocante lealtad — e ta tocante influencia.”*

Tempo lo bisa si e strategia aki lo duna fruto. **Pero un cos ta cla:** Bou di Mark Carney, Canada no ta siguiendo e manual bieu mas. E ta skirbiendo un nobo — cu socionan nobo, prioridadnan nobo, y un tono hopi mas independiente riba e escenario mundial.

DEPORTE

DEPORTE@AWEMAINTA.COM

Como presidente di e comision di coordinacion pa Weganan Olimpico Los Angeles 2028

Nicole Hoevertsz ta hiba palabra n'e “Olympic Winter Games Milano Cortina 2026”



MANERA ta bon conoci, Secretaria General di Comité Olimpico Arubano (COA), Sra. Nicole Hoevertsz ta conoce un trayectoria largo como parti di Comité Olimpico Internacional (IOC) unda cu e ta un miembro desde aña 2006 y mas recien a fungi como Vice-presidente di 2021 pa 2025. Cu un gran conocimiento di e mundo Olimpico y su experiencia di hopi aña, Nicole a haya e tarea pa dirigi e comision di coordinacion cu ta organisa e Weganan Olimpico di Los Angeles 2028.

E siman aki na e “Olympic Winter Games Milano Cortina 2026” tin sesionnan di e Comité Olimpico Internacional cu ta trata diferente topiconan importante, entre otro e Weganan Olimpico. Awe e comision di coordinacion representa door di Nicole a comparti diferente informacion cu sigur ta indica un tremendo Weganan Olimpico lo tuma luga na ciudad di Los Angeles den 2028.



Pa scucha mas di Nicole ta conta di tur cos LA2028, click riba e video unda lo por wak e parti di su speech na Milano, Italia.

Link: <https://we.tl/t-KuANtip2EW>



Merca vs. Mundo:

NBA All-Star Game 2026 ta introduci un era nobo di espectáculo global

E NBA All-Star Game ta regresa e februari aki cu un imagen fresco, un structura nobo, y e mesun poder di strea sin igual cu fanaticonan ta spera. Pero e aña aki, e liga ta haciendo mas cu djis exhibi talento — e ta definiendo e formato completamente di nobo, marcando un punto di cambio pa con e deporte ta celebra su mihonan.


Programa pa tuma luga dia 15 di februari 2026, na e Intuit Dome nobo nobo na Inglewood, California, e di 75 edicion di e NBA All-Star Game lo estrena un formato di tres ekipo “*Merca vs. Mundo*”. En bes di e tradicional Oost vs. West of “*draft*” di Capitan di Ekipo, e competencia lo conta cu dos ekipo Mericano y un ekipo “*Mundo*,” componi di talento internacional top.

E torneo All-Star lo desaroya den un formato “round-robin”: Cada ekipo ta hunga dos wega di 12 minuut, cu e dos mihonan avansando pa un final pa e titulo di All-Star. E ta un cambio dramatico diseña pa hisa competitividad, exhibi talento global, y envolvi fanaticonan rond mundo.

Talento global ta tuma e escenario central

Liderando e ekipo internacional lo ta nombrenan renombra manera Luka Dončić, Giannis Antetokounmpo, Nikola Jokić, Shai Gilgeous-Alexander, y e sensacion den ascenso Victor Wembanyama. E streanan aki ta representa e expansion global continuo di NBA — tanto den e fluho di talento como den base di fanatico.

E banda Mericano ta igualmente carga. LeBron James ta encabesa e grupo cu su di 22 seleccion record pa All-Star, extendiendo su dominio durante dos decada. E ta acompaña pa colega veteranonan manera Kevin Durant, selecta pa di 16 biaha, y streanan hoben excitante manera Jalen Johnson, Chet Holmgren, y Jalen Duren, kendenan ta haciendo nan debut den All-Star.



Notablemente, Conferencianan a wordo elimina completamente for di e proceso di seleccion di e aña aki, dunando enfasis na prestacion y popularidad sin importa geografia — un otro señal di e deseo di e liga pa haci e evento mas global, no djis nacional.

Fin di siman di festividad

E NBA All-Star Game lo clausura un fin di siman yen di eventonan favorito di fanatico, incluyendo e Rising Stars Challenge, Competencia di Habilidad (Skills), Concurso di Tres Punto, y e semper teatral Slam Dunk Contest. E liga ta spera cu e formato nobo di wega lo inyecta un sentido di urgencia y rivalidad den loke hopi biaha tabata un exhibicion relaha.

Agregando na e importancia di e evento, Embahada di Merca a emiti un bonbini cultural, resaltando e torneo como un celebracion di cooperacion internacional via deporte — un reconocimiento na e influencia diplomatico creciente di NBA.

Kico esaki ta nifica pa NBA

Cu mas di 25% di hungadonan di NBA awor naci pafo di Merca, e cambio di formato no ta djis cosmetico. E ta strategico. E liga ta brasando su identidad global mas visibel cu nunca, posicionando e NBA All-Star Game no solamente como entretenimento, pero como un simbolo di unidad internacional y orguyo competitivo.

Pa fanaticonan, e All-Star Weekend 2026 no ta djis tocante luho y “*dunks*”. E ta tocante orguyo nacional, streanan den ascenso, y e mapa di grandesa di basketball cu ta expande cada bes mas.

Strea di WNBA Caitlin Clark optimista

Mientras liga y hungadonan ta pusha pa un acuerdo colectivo nobo

MIENTRAS WNBA ta traha pa sigura un acuerdo colectivo di trabou nobo, un di e bosnan mas influyente di e liga ta bisa cu e ta kere cu progreso ta wordo haci — y cu e resultado por forma e futuro di deporte femenino.

Caitlin Clark a papia publicamente e siman aki tocante e negociacionnan laboral andando entre e liga y e union di hungado, expresando optimismo cu un trato por wordo alcanza den futuro cercano.

E comentarionan di Clark a bin durante un aparicion na television nacional, unda el a aborda combersacionnan cu a pega partinan di e “offseason” di e liga y a lanta preguntanan tocante e cronologia di temporada 2026.

“Nos tin un reunion importante nos dilanti,” Clark a bisa, refiriendo na negociacionnan entre WNBA y e Asociacion di Hungadonan di WNBA. “Mi ta kere di berdad cu nos lo logra algo aki pronto.”

E combersacionnan actual ta sali for di e decision di e hungadonan pa sali for di e acuerdo colectivo anterior, firma na 2020, loke a activa negociacionnan tocante un trato nobo cubriendo salario, reparticion di entrada (“revenue sharing”), beneficiannan, y condicionnan di trabou. Mientras discusionnan a continua pa lunanan, asuntonan no resolvi a retrasa agencia liber y otro actividad di “offseason,” creando incertidumbre den henter e liga.

E involucracion di Clark den e combersacion ta carga peso particular. Desde cu el a drenta e liga, el a bira un di e streanan mas reconocibel di WNBA, acredita cu yuda impulsa indicenan record di television, asistencia,



y benta di mercancia. Ehecucionan di liga y analistanan mescos a señala su impacto como evidencia cu WNBA ta drentando un era comercial nobo — uno cu hungadonan ta bisa mester wordo refleha den un acuerdo laboral modernisa.

“Esaki no ta djis un momento grandi pa WNBA,” Clark a bisa. “E ta un momento enorme pa deporte femenino den su totalidad.”

Segun informe, hungadonan ta pusha pa un parti mas grandi di entrada di e liga, topanan salarial mas halto, y beneficiannan mehora, argumentando cu compensacion a keda atras di e crecimiento rapido di e liga. WNBA, mientrastanto, a enfatisa sostenibilidad financiero mientras e ta balansa plannan di expansion y estabilidad a largo plaso.

Lidernan di union a haci eco di e optimismo cauteloso di Clark. Nneka Ogwumike, presidente di e asociacion di hungado, a bisa cu ambos banda ta keda comprometi pa alcanza un

acuerdo husto, aunke el a reconoce e complejidad di e negociacionnan.

A pesar di e retrasonan, no tabatin indicacion di un paro di trabou inminente. Toch, e ausencia di un CBA finalisa a hisa presion riba ambos banda mientras e liga ta prepara pa otro temporada cu ta spera di atrae atencion sin precedente.

Pa Clark, e interesnan ta bay mas aleu di su mesun careda. Su comentarioman ta sugeri un bista mas amplio di e momento — uno den cual e negociacionnan di awe por defini standardnan di pago, proteccion pa hungado, y inversion den deporte femenino pa añanan binidero.

Mientras combersacionnan ta continua, e strea mas visibel di e liga ta proyectando confiansa en bes di confrontacion. Si e optimismo ey lo wordo recompensa cu un acuerdo decisivo ta keda pa mira, pero e mensahe for di hungadonan ta cla: **E proximo capitulo di WNBA mester refleha e balor cu nan ta yudando crea.**



Despues di victoria dominante riba Teófimo López

Shakur Stevenson ta wak retonan mas grandi

APENAS algun dia despues di derota Teófimo López pa bira un campeon mundial di cuater division, Shakur Stevenson ta evaluando su proximo paso — y mundo di boxeo ta vigi-lando di cerca.

Dia 31 di januari, Stevenson a entrega un actuacion clinico na Madison Square Garden, superando López den boxeo durante 12 rond pa reclama e titulo super lightweight (140 liber) di WBO. E victoria pa decision unanime a graba su nomber den historia di boxeo, haciend'e solamente e di nueve bringado masculino den e era moderno pa gana titu-lonan mundial den cuater clase di peso diferente.

Cu e victoria, Stevenson (25-0, 11 KOs) a establece su mes firmemente como un di e elitenan di boxeo. Awor, atencion ta bira riba loke ta spera e nativo di Newark di 26 año, kende repetidamente a bisa cu e kier peleanan cu ta defini legado na 2026.

Nombenan grandi, betnan halto

Aunke Stevenson tin cu confirma su proximo oponente ainda, el a traha titularnan door di reta e strea Britanico Conor Benn den e ring inmediatamente despues di e pelea cu López. Benn, un welterweight (147 liber) agresivo conoci pa su poder y carisma, por presenta Stevenson cu un choke lucrativo entre division. Negociacionnan por depende di terminonan di peso acorda, cu Stevenson probablemente no dispuesto na compromete completamente na welterweight ainda.

Un otro enfrentamento soña ta sigui colga den aire: Devin Haney. E dos ex-destacadonan amateur ta rondona otro pa largo tempo, y cu Haney awor teniendo e corona welter-weight di WBC, un enfrentamento Stevenson–Haney por ta un di e competencianan mas habil y “hyped” (promociona) di e deporte.

Otro nombenan potencial ta inclui Joe Cordina, e campeon junior lightweight di IBF, y talento Mericano den ascenso Floyd Schofield, aunke ambos ta comercialmente menos atractivo cu Benn of Haney. Un re-encuentro cu Oscar Valdez, of hasta un pelea di unificacion den 140 liber, ta



keda posibel si Stevenson scoge pa keda den su clase di peso nobo.

Posicionamento strategico nos dilanti

Aunke Stevenson a gana su faha mas recien den super light-weight, e tabata cauteloso tocante subi completamente for di e division lightweight (135 liber). “Ainda mi por traha 135,” el a bisa periodistanan despues di e pelea, lagando habri e posibilidad di switch entre divisionnan dependiendo di oponente y oportunidad.

Loke ta cla ta cu Stevenson ta enfoca riba construi un resumen cu ta pon’e banda di leyendanan moderno. Conoci pa su trabou di pia suave (“slick”), dominio defensivo, y IQ di ring, hopi biaha e la wordo critica pa no caba peleanan — pero su dominio y briyo tecnico ta innegabel.

E año di tuma mando?

Ta spera cu ekipo di Stevenson lo programa su proximo pelea pa mitar di 2026. Sea ta Benn, Haney, of un otro contendiente, fanatico y analistanan ta di acuerdo: ***E ta na punto maximo di su podernan y mester di peleanan estelar pa solidifica su luga entre e grandinan di boxeo.***

Mientras e stof ta baha riba su triunfo mas recien, un cos ta sigur: Shakur Stevenson no ta djis e futuro di boxeo mas — e ta e presente.

BON PA SA

Compronde interocepcion

Dicon bo “Spidey Sense” ta en realidad ciencia

NOS tur a yega di sinti e cos ey: E sensacion na bo nek ora bo sinti cu un hende ta mirabo, of e “*gut feeling*” cu ta bisa bo cu un oferta di trabao no ta cuadra, a pesar di e bon salario. Pa hopi decada, nos a ignora e sensacionnan aki como simplemente intuicion of algo “*misterioso*”. Sinembargo, neurociencia moderno tin un nomber hopi mas concreto p’e: **Interocepcion**.

E di ocho sentido scondi

Mientras nos tur a siña e “*cinco sentidonan principal*” den scol primario—y tal bes a siña di e sistema vestibular (balansa) y propiocepcion (posicion di curpa) despues—interocepcion ta e actor mas valioso y keto di bo consenshi interno.

Simplemente bisa, interocepcion ta e coleccion di sentido cu ta yuda bo compronde kico ta pasando paden di bo curpa. Ta e proceso caminda e sistema nervioso ta mapa e estado interno di e organismo, incluyendo ritmo di curason, hamber, sed, y te hasta e sensacion di bo pulmonnan ora nan ta hala rosea.

Con e ta funciona: E ‘dashboard’ interno di e cerebro

E centro principal pa e datonan aki ta un parti di e cerebro yama e insula. Pensa riba e insula como un “dashboard” sofisticada. Cada seconde, e ta ricibi un ola di señal for di bo organonan interno.

Si bo ritmo di curason subi rapidamente, bo insula no ta djis registra “curason lihe”; e ta interpreta e dato ey basa riba e contexto:

- **Contexto A:** Bo ta riba un treadmill. Bo cerebro ta etiketa e sensacion como “*ehercicio/logro*.”
- **Contexto B:** Bo ta park den un parkeerplaats scur. Bo cerebro ta etiketa e mesun ritmo di curason ey como “*miedo/peligro*.”

Esaki ta caminda e “*gut feelings*” ta bini di dje. Bo curpa hopi biaha ta reacciona riba señalnan den bo ambiente—un expresion chikito riba cara di un desconoci of un cambio leve den temperatura—prome cu bo mente consciente por procesa nan. Despues, bo cerebro ta traduci e cambionan fisiologico aki den un “*gut feeling*”.

Dicon “consenshi interoceptivo” halto ta importante

Investigacion ta sugeri cu personanan cu un consenshi intero-



ceptivo halto—esnan cu ta mas “conecta” cu nan señalnan interno—hopi biaha ta disfruta di varios beneficio:

- 1. Regulacion emocional:** Si bo por sinti bo pecho ta primi prome cu bo cuminsa grita, bo tin un miho chens di para y baha e nivel di stress.
- 2. Tumamento di decision:** Estudionan a muestra cu inversionistanan profesional cu por sinti nan mes curason bati mas miho, tin tendencia di ta mas exitoso, probablemente pasobra nan ta mas conecta cu e señalnan fisiconan di riesgo.
- 3. Salud fisico:** E capacidad pa distingui entre hamber real y aburimento emocional, of entre cansancio y un enfermedad real, ta hiba na miho cuido personal.

Bo por mehora esaki?

E bon noticia ta cu interocepcion ta manera un musculo. Si bo ta sinti bo “*laf*” of desconecta for di bo curpa, bo por entrena bo cerebro pa tende bek.

- **Scan di curpa:** Dedicar dos minuut pa dia mentalmente haciendo un scan for di dede di bo pianan te na bo cabes. No husga loke bo ta sinti; djis nota esaki.
- **E test di curason:** Purba di conta bo mes curason bati durante 30 seconde sin mishi cu bo pols. Controla bo precision despues.
- **Etiketa:** Ora bo sinti un emocion, purba localisa na unda e ta biba den bo curpa. Ta un stoma “*pisá*” of schoudernan “*tenso*”?

Bon pa Sa: Interocepcion no ta djis biologia; e ta e brug entre nos curpa fisico y nos bida emocional. Door di pone un poco mas di atencion na loke ta pasa “*bou di e superficie*” bo no ta solamente birando mas saludabel—bo ta birando mas sabi.



FUN FACTS

E doño di soño

Con un carico di tera por drumi pa tres aña largo

BO a yega di desea pa bo por drumi un rato mas largo riba un dialuna mainta? Wel, den e mundo di bestia, tin un bestia chikito cu a hiba e concepto di soño na un nivel completamente diferente. Nos ta papia di e carico di tera, un criatura cu, maske e ta parece slow y simpel, tin un capacidad di sobrevivencia cu ta laga hopi hende boca habri. Un di e datonan mas increibel ta cu un carico por drumi pa un periodo te cu tres aña consecutivo.

Pakico e carico ta drumi asina hopi?

Pa nos como ser humano, drumi ta un forma pa curpa descansa y recupera energia. Pa un carico, drumi pa hopi tempo no ta un cuestion di flohera, sino un cuestion di bida of morto. E proceso aki ta wordo yama estivacion (ora e ta sosode pa motibo di calor) of hibernacion (ora e ta sosode pa motibo di friu).

Carco tin mester di humedad pa nan por move y pa nan curpa no seca. Ora e ambiente bira demasiado seco of e temperatura bira demasiado halto, e carico ta drenta den un estado di soño profundo. Durante e tempo aki, nan ta produci un capa di slijm special cu ta bira duro na e habri di nan cas. Esaki ta funciona manera un porta cu ta tene e humedad paden y ta proteha e bestia contra e elementonan di naturalesa.

Datonan curioso tocante e carico

Fuera di nan capacidad di drumi pa añanan largo, e criaturanan aki tin hopi otro característica cu ta bale la pena menciona:

Nan tin miles di djente: Maske bo no



por mira nan structuralmente manera esunnan di un ser humano, carico tin un lenga special yama radula cu tin rond di 12,000 pa 20,000 djente chikito pa rasca cuminda.

Nan ta hermafrodita: Mayoria carico di tera tin tanto e organonan reproductivo masculino como femenino. Esaki ta facilita e proceso di busca un pareha den e mundo salvahe.

Velocidad extremo: Un carico promedio ta move na un velocidad di rond di 1 centimeter pa seconde. Esaki ta haci nan un di e bestianan mas slow di e planeta.

Forsa increibel: Un carico por carga te cu dies biaha su propio peso ora e ta move verticalmente riba un muraya of palo.

Slijm protector: E slijm cu nan ta laga atras no ta djis pa move facil, sino tambe un proteccion. Un carico por cana over di un blet di corta (razor

blade) sin corta su mes danki na e capa di slijm aki.

Sobrevivencia y adaptacion

E capacidad di drumi pa tres aña ta muestra con fuerte e instinto di sobrevivencia ta. Durante e tempo aki, e curpa di e carico ta baha su metabolismo na un nivel minimo. Su curason ta bati masha poco mes y e no tin mester di cuminda.

Ora e condicionnan di tempo bira faborable atrobe y tin humedad den aire, e carico ta “lanta” for di su soño largo, e ta kibra e capa di slijm cu a sirbi como porta y e ta sali bek pa busca alimento.

E naturalesa tin maneranan sabi pa proteha e bida den tur su formanan. E carico ta un ehempel perfecto cu bo no mester ta grandi of rapido pa ta un campeon di sobrevivencia.



NOW PLAYING



FOR SHOWTIMES AND ONLICE TICKETING VISIT: CARIBBEANCINEMAS.COM

Send Help

A woman and her overbearing boss become stranded on a deserted island after a plane crash. They must overcome past grievances and work together to survive, but ultimately, it's a battle of wills and wits to make it out alive.



FOR SHOWTIMES AND ONLICE TICKETING VISIT: CARIBBEANCINEMAS.COM

Shelter

On a remote coastal island, a former assassin living in self-imposed exile rescues a young girl from a deadly storm. As their lives start to intertwine, he must protect the orphan while battling enemies from his past.



FOR SHOWTIMES AND ONLICE TICKETING VISIT: CARIBBEANCINEMAS.COM

Mercy

In the near future, an advanced AI judge tells a captive detective that he's on trial for the murder of his wife. If he fails to prove his innocence within 90 minutes, he'll be executed on the spot.



FOR SHOWTIMES AND ONLICE TICKETING VISIT: CARIBBEANCINEMAS.COM

Mardaani 3

It is a race against time and there will be no mercy. Shivani Shivaji Roy is back to rescue girls who go missing without a trace.

For Showtimes and Online Ticketing: www.caribbeancinemas.com

Minister Geoffrey Wever:

Walter Mosher ta inicia oficialmente como Director nobo di Free Zone Aruba N.V.

MINISTER di Finansa, Asunto Economico y Sector Primario, Geoffrey Wever, den su calidad di representante di Land Aruba como unico accionista di Free Zone Aruba N.V. (FZA), ta anuncia cu Sr. Walter E. Mosher a inicia oficialmente como Director nobo di FZA, dialuna dia 2 di februari 2026.

E nombramento aki ta marca un paso importante den e proceso di fortalecimiento institucional y modernisacion operacional di Free Zone Aruba, un entidad cu tin un rol strategico esencial den diversificacion economico y posicionamento internacional di Aruba.

Sr. Mosher ta un profesional Arubiano cu, despues di un trayectoria trahando den sector priva na Aruba, a continua cu un formacion academico y experiencia profesional relevante den diferente sector. Despues di varios aña di experiencia internacional, Mosher a tuma e decision consciente pa bolbe Aruba cu e proposito claro di aporta activamente na desaroyo economico y institucional di su pais.

Segun Minister Wever: *“Mi ta sumamente contento cu Sr. Walter Mosher a haci su mes disponibel pa lidera Free Zone Aruba den e era nobo. Mi tin pleno confianza den su profesionalismo y exper-ticio. Sr. Mosher ta un Arubiano cu hopi experiencia local y inter-nacional, y cu pa hopi aña tabata biba na exterior, pero awo ta bolbe cas pa traha pa Aruba.”*

E nombramento di Sr. Mosher ta resultado di un proceso di seleccion riguroso, ehecuto door di e Hunta di Comisario di FZA. E proceso di solisitacion publico a atrae varios candidato cualifica, cu evaluacion tecnico, consulta profesional y intercambio extenso cu e Hunta di Comisario y cu e Minister como accionista representativo, resultando den un acuerdo completo riba tur condicion contractual.

Minister Wever a expresa su reconocimiento na e Hunta di Comisario pa su liderazgo durante un periodo di transicion importante pa FZA. E restructuracion institucional, incluyendo e implementacion di un plan di abordacion, un roadmap strategico y e instalacion di un Hunta di Comisario nobo, a establece un base mas solido pa maneho transparente, maneho eficiente y un direccion claro pa futuro.

Den su rol como accionista y minister responsabel, Minister Wever a subraya cu e nombramento di un director nobo ta un paso clave den e continuacion di reformanan institucional, oper-



acionalisacion di esfuersonan di modernisacion y preparacion di Free Zone Aruba pa competi mas efectivamente den mercado internacional.

Free Zone Aruba tin potencial pa bira un motor di crecimiento, innovacion y actividad economico nobo, specialmente den un contexto unda Aruba ta sigui busca pa diversifica su base economico riba un manera duradero y resiliente. Recientemente, un lista di actividadnan y oportunidadnan nobo cu lo fortalece e rol di Free Zone como catalisador pa inversion y emprendemento a keda anuncia.

Cu e nombramento di Sr. Walter E. Mosher, oficialmente ta inicia un era nobo pa Free Zone Aruba N.V., basa riba liderazgo local, vision strategico y un compromiso firme cu desaroyo economico di Aruba.

DESTINY SECURITY

WE'RE HIRING

SECURITY GUARD

REQUIREMENT :

- FLEXIBILITY**
AVAILABILITY TO WORK ALL SHIFTS
- FACULTY**
PUNCTUAL AND RESPONSIBLE
- EXCELLENT COMMUNICATION SKILLS**
STRONG ENGLISH AND PAPIAMENTU.

We are a company dedicated to security and prevention services, offering competitive salaries and opportunities for advancement.

Do not hesitate to contact us.

5947937

SEND US YOUR CV by whatsapp


Wardacosta ta celebra 30 aniversario

RIBA 1 di februari 1996 a pone e fundeshi pa loke awe nos conoce como Wardacosta di Caribe Hulandes. Wardacosta ta un partner importante den seguridad maritimo y ta un organisacion profesional y respeta local y internacional. Loke a cuminsa como un partnership simpel entre polis di haven, milisia y Defensa Antiano, cu un oficina den algun portocabins y un barak sirbiendo como e Centro di Rescate y Coordinacion (RCC), a crece den trinta aña bira un organisacion madura cu ta vigila e costanan maritimo 24 ora pa dia, 7 dia pa siman.

Den e prome añanan, e forza laboral tabata consisti di mas o menos 80% personal di defensa y 20% personal local. Esaki awor a cambia completamente. Awendia, mas o menos 80% di e personal di Wardacosta ta local. E desaroyo aki ta enfatisa e raisnan local fuerte y e crecemento di e organisacion.

Wardacosta a pasa pa un desaroyo rapido for di cuminsamento. E prome cutternan a wordo poni den uzo na 1999, cuminsando cu Jaguar na Corsou, sigui pa Panter na Aruba y Poema na Sint Maarten. Ademá di botonan di patruya y botonan di costa, e flota a modernisa durante añanan cu e introduccion di Super RHIBs y mas despues Metal Shark. Tambe a desaroya capacidad aereo, cu e avionnan di Wardacosta y helicopternan, cualnan ta ser sostene pa e punto di sosten di Hato y un sistema di radar extenso.

Formacion y profesionalismo semper a bira balornan central den Wardacosta. For di e prome estudio cual ta e 'Initiële



Kustwacht Opleiding' (IKO) na 1998, cu a sigui desaroya bira e 'Junior Bemanningslid Kustwacht' (JBK) na 2024, cu ta zorg pa e hoben ricibi un diploma SBO-2.

Cu e transicion pa un organisacion totalmente basa riba informacion 24/7, plania pa e cuminsamento di 2026, y cu un crecemento pa aproximadamente 320 posicion di formacion, Wardacosta ta mira e futuro cu confiansa. E celebracion di su 30 aniversario no solamente ta un momento pa mira bek, pero riba tur cos ta un paso fuerte pa dilanti.

E 30 aniversario di Wardacosta a wordo celebra conhuntamente cu receptie nan di aniversario na Corsou, Aruba y Sint Maarten. E celebracion aki a simbolisa e cooperacion estrecho entre e tres paisnan cual desde nan establecimiento na 1996 tin un colaboracion cu a forma Wardacosta den un partner fuerte di seguridad den Caribe.

100% FREE SPAY & NEUTER

FOR ALL DOGS & CATS AT
PARTICIPATING VETS
REGISTER TODAY:

WWW.STIMAMISTERILISAMI.COM





Stimami. Sterilisami.

Respaldo ta duna espacio pa investigacion entorno e sucedido lamentabel


RESPALDO a tuma nota di e informacion cu a sali den e medionan tocante e incidente tragico unda un cliente di Respaldo a perde su bida. Teniendo na cuenta e privacidad di e cliente involucra y di su famia, como tambe e investigacion andando, Respaldo no lo duna informacion detaya riba e caso aki.

Prome cu tur cos, Respaldo kier expresa su sincero condolencia na e famia y sernan keri di e persona cu a perde su bida. Nos pensamento ta cu e famia como tambe cu tur e profesionalnan cu a keda involucra den e incidente impactante aki. Ningun hende no ta desea un resultado asina.

Actualmente, e incidente ta bou di investigacion pa e debido autoridadnan. Respaldo ta brinda su cooperacion completo na e investigacion aki y cu respet pa e proceso, no ta considera apropia pa adelanta riba e resultadonan ni pa haci declaracion di contenido riba esaki.

Pa clarificacion general, Respaldo ta considera importante pa splica con e servicio di nos Crisisdienst ta organisa y ta funciona.

For di october 2024, Respaldo ta dispone di un servicio di crisis 24/7 pa personanan cu problematica psiquiatrico serio den situacion di crisis. E servicio aki ta wordo ehecuta pa



profesionalnan di cuida specialisa y ta forma parti integral di e FACT-teams di Respaldo. E servicio di crisis ta enfoca riba evaluacion, stabilisacion y tratamiento di crisis psiquiatrico, preferiblemente den un fase mas tempran posibel. E servicio di crisis ta funciona den un cadena di colaboracion cu diferente partner. Dependiendo di e situacion, por pidi apoyo di otro instancianan, incluso polis pa garantiza e seguridad publico y servicio di transporte pa traslado di clientenan.

Respaldo ta comprometi, hunto cu su partnernan, pa fortalece mas ainda e colaboracion mutuo, comunicacion y coordinacion, cu e obhetivo comun di ofrece cuida profesional y humano na personanan cu problematica psiquiatrico.

Nos ta pidi e pa comprension y respet pa e privacidad di tur persona involucra mientras cu e investigacion ta andando.

GALLERY READING WITH SPIRIT MEDIUM

Tiffany Rice

FRIDAY, 6 MARCH 2026 - 6:00 PM

EAGLE ARUBA RESORT

TICKETS ARE \$75 PER PERSON

**INCLUDES WINE, CHAMPAGNE, WATER
AND CHEESE & CRACKER PLATTER**

(ALL OTHER DRINKS ARE VÍA A CASH BAR)

BENEFITS THE



MORE INFO: TIFFANYRICE.COM · TICKETS AVAILABLE VIA:  eventbrite

Turismo cu proposito

Minister Wendrick Cicilia a uni grupo di turista p'e bon comun

CONHUNTAMENTE cu un grupo di bishitante, Minister di Turismo, Transporte y Labor mr. Wendrick Cicilia tabatin un dia di duna bek, cu a tuma luga na e cas historico di Bernadina Grovell d.f.m., cariñosamente conoci como “*Nos mama di cultura*”. Pa medio di un acto simpel pero impactante - verf e cas cu el a biba aden - un iniciativa cu a refleha algo mucho mas grandi: **E Bon Comun.**

E actividad a forma parti di e conferencia “**The Common Good**”, como un proyecto di boluntario cultural diseña pa conecta e bishitantenan cu e curason di herencia Rubiano mientras ta crea un impacto significativo y duradero dentro di e comunidad local. Door di trece turista y local hunto den servicio, e proyecto ta demostra con turismo por extende mas leu cu tempo liber y balor economico pa touch bida na un manera visibel.

Bernadina Grovell su legado como un pionero cultural y figura di comunidad ta sigui inspira generacionnan. Honrando su cas pa medio di accion colectivo ta sirbi como un recordatorio cu conservacion di herencia ta un responsabilidad comparti, uno cu ta fortalece integracion social y ta profundisa e relacion entre e bishitantenan y e isla cu nan ta bin pa disfruta di dje.

E iniciativa aki ta alinea cu e vision mas amplio di Ministerio di Turismo pa cu e desaroyo di turismo inclusivo y responsabel, caminda bienestar di comunidad y preservacion cultural ta esencial. Ademá e ta refleha tambe e rol creciente di turismo boluntario como un manera significativa pa bishitantenan duna bek na e destinacionnan cu nan ta disfruta di dje. Na momento cu e bishitantenan ta involucra directamente cu e historico local y ta contribui a traves di trabou boluntario na e luganan cu nan ta bishita, turismo ta bira un forsa pa conexon, empatia y prosperidad comparti.

Ministerio di Turismo lo sigui explora oportunidadnan cu ta uni servicio, cultura y turismo, reenforzando e idea cu e exito di Aruba ta no ta unicamente midi den yegada of indicadonan economico, pero tambe den con comunidadnan ta comparti cuido, oportunidad y impacto.



Reading Festival Aruba 2026

STICHTING Biblionef Nederland conhuntamente cu Biblionef Aruba, Biblioteca Nacional Aruba, Instituto Pedagogico Arubano y Departamento di Enseñansa Aruba, ta organisa pa prome biaha e asina yama Reading Festival Aruba. E festival aki ta tuma luga dia 27 y 28 di februari 2026 y tin como meta pa stimula placer di lesamento na miles di mucha na Aruba.

Reading Festival Aruba ta posibel danki na sosten di Nederlands Letterenfonds.

Preparacion pa Reading Festival Aruba ta den full swing

Pa comparti e placer di lesa cu mas tanto mucha posibel, lo organisa diferente actividad pa e muchanan por participa na dje, entre otro: *Tayer di escritor y artista (media, AI, contamento di storia y poesia) presentacion di musica y baile.*

Diabierna 27 di februari: Programa special pa Ciclo Basico

Riba e dia aki tin 13 scol secundario cu lo participa na diferente actividad cu ta stimula habilidad di lesa y placer di lesa. Pa por acomoda mas tanto scol posibel, e actividadnan lo tuma luga na tres diferente scol: **EPB Hato, Colegio Arubano y Filomena College Mavo.** Lo tin tayer di escritor, artista, futuro maestro y wega interactivo specialmente pa e alumnonan di ciclo basico.

Diasabra dia 28 di februari: Festival pa mucha di tur edad

Riba e dia aki mucha di tur edad y nan mayornan ta bonbini pa forma parti di Reading Festival Aruba cu lo tuma luga na Filomena College na San Nicolas. Lo tin entre otro: *Contamento di storia, maleta di buki pa e chiktin, tayer di AI y 'coderen' pa scol secundario y 'storytelling' interactivo.* Banda di e actividadnan educativo lo tin entretenimento di musica, presentacion di baile y un espectaculo grandi na unda lesamento ta para central.

Donacion di buki y premio

Despues di e Reading Festivals exitoso na Sint Maarten, nos tin expectativa pa un festival espectacular na Aruba pa asina comparti placer di lesamento cu tur mucha. Nos lo tin mas cu 2500 buki pa duna. E Reading Festival Aruba lo cumpli su mision pa stimula habilidad di lesa, creatividad y imaginacion den mucha.


Tur bishitante lo tin oportunidad pa gana premionan fabuloso! Tur scol por pidi pa presta tur e bukinan pa lesa na biblioteca, material educativo y wega di idioma uza durante Festival de Lesamento, pa nan por sigui promove placer di lesamento despues di e evento.

Pa mas informacion:

E-mail: info@biblionef.org

Website: www.readingfestivals.com

Facebook en Instagram: @readingfestivals



**CARNIVAL 72
EMERGENCY
HOTLINE**

563 2040



Base di data di adaptacion nobo ta fortaleza accion climatico den Caribe Hulandes



UN base di data cu opcion nobo pa adaptacion pa Caribe Hulandes a wordo lansa awe, sosteniendo Aruba, Curaçao, y St. Martin den tuma accion pa haci nan medio-ambiente mas resiliente pa e impactonan extremo di tempo como resultado di cambio di clima.



Avansando strategianan nacional

Meta di e base di data ta pa avansa e strategianan di adaptacion nacional di e islanan y pa provee inspiracion, ehempel practico y guia pa tuma decision informa y transparente pa un futuro mas resiliente. E base di data ta sostene directamente desaroyo di Aruba su Strategia Ncional di Data, cu ta coordina pa Nacional Climate Resilience Council (NCRC), y ta forma un base di conocimiento integral dentro di e proceso.

NCRC a wordo involvi di cerca den identificacion y validacion di e opcionnan di adaptacion, sigurando aliñamento cu e prioridad- nacional, procesonan di maneho, y experticio local.

Mas di 100 opcion pa adaptacion

E base di data ta provee un bista structura di mas di 100 opcion relevante pa adaptacion pa e contexto di e islanan. E por wordo uza door di stipulado- di maneho, profesional- y studiantenan cu ta interesa den tuma medida. Uzadonan por explora via filtro tematico y haya acceso na informacion cualitativo riba visibilidad, co-beneficio, consideracion di equidad, y ehempel practico.

Construi riba fundeshinan regional y cientifico fuerte

E base di data a wordo desaroya dentro di e programa di International Panel on Deltas and Coastal Areas (IPDC) y ta construi riba e trabou preliminar di scenarionan climatico y atlas di impacto di clima pa e region.

E Proyecto a wordo guia door di Vrije Universiteit Leiden, Universidad di Curaçao, Universidad di Aruba, University of St. Martin, y un consorcio di partner regional y internacional di conocimiento. Pa Aruba, Impact Blue cu sosten di Universidad di Aruba den co-creacion y contextualisacion di e opcionnan di adaptacionnan, reforsando aliñacion cu e maneho local y contexto instutocional.

Co-creacion cu interesadonan local

Desaroyo di e base di data tabata bou di guia di perspectivanan di grupo di enfoke teni na Curaçao, Aruba, y isla di St. Martin. E sesionnan aki a trece hunto stipulado di maneho, staff academico, y stakeholder di sociedad pa reflexiona riba utilidad, relevancia, y necesidad di gobernacion a largo plaso, sigurando aliñamento cu contexto institucional local y contexto di comunidad.

Integra den Atlas di Impacto Climatico existente

E base di data ta aloha dentro di e Atlas di Impacto Climatico pa Aruba, Curaçao y St. Martin, sigurando continuidad di e trabou anterior hunto cu IPDC y accesibilidad a largo plaso. E ta sostene directamente planificacion di procesonan di adaptacion riba cada isla.

Por haya e base di data di opcionnan di adaptacion pa Aruba riba
<https://aruba.climateimpactatlas.com/adaptation-options>.

Kustwacht Caribe Hulandes a celebra nan di 30 aniversario



DIALUNA mainta, Minister di Husticia mr. drs, Arthur Dowers a asisti na Kustwacht Aruba na Marinierskazerne Savaneta pa hunto cu personal di Kustwacht, celebra nan di 30 aniversario.

Dia 1 di februari 1996, pa contraresta e cantidad alarmante di contrabando di droga y traficacion di hende pa e islanan bisiña for di Venezuela y Colombia den añanan 80 y 90, Hulanda, Antias y Aruba a funda Kustwacht Nederlandse Antillen en Aruba (KWNA&A) y na momento cu a disolve Antias na 2010, esaki a bira Kustwacht Caribisch Nederland (KWCARIB).



Na comienso, e organisacion tabata consisti di un grupo relativamente chikito di profesional cu tabata traha riba lama cu hopi dedicacion. Antes tabata sali riba lama cu e intencion di intercepta botonan cu ta meti den ilegalidad. Awendia Kustwacht ta consisti di un gran cantidad di profesional dedica y motiva y ta conta cu botonan di velocidad halto manera e boto di patruya Panther, Metal Sharks, Super RHIBS, Boston Whalers, Helicopter AW139 y Avion DASH8 cu ta ekipa cu tecnologia moderno y hunto cu sistemanan di radar avansa riba lama y riba tera, por intercepta cualquier movecion sospechoso den awanan teritorial di Caribe Hulandes. E trabao awendia ta basa riba sistemanan di inteligencia cu ta haci e trabao riba lama mucho mas eficiente.



Ademas di celebra 30 aña di Kustwacht, a reconoce e trabao di tres agente di Kustwacht pa nan 25 aña di servicio, dedicacion y integridad. Ta trata di Rivelino Kelly, Nehomar Rasmijn y Rowaltski Paskel. Tambe a reconoce sra. Juanita Ozuna cu ta un trahando 25 aña na Kustwacht den servicio como personal civil.

Minister di Husticia ta felicita e personal di Kustwacht pa nan añanan di trabao incansabel den cuida nos territorio maritimo di transporte ilicito di hende, droga y arma.

Den reunion publico riba situacion di nos grandinan:

Parlamentario Xiomara Maduro ta presenta preguntanan na Minister Mervin Wyatt Ras di Salubridad

DURANTE un reunion publico reciente cu Minister Mervin Wyatt Ras di Salubridad, riba e situacion actual di nos grandinan na Aruba, Parlamentario Xiomara Maduro a haci pregunta na e mandatario pa haya claridad riba e cuido y sostenibilidad di e sistema social, un topico cu ta preocupa hopi hende den comunidad, specialmente e grupo di pensionadonan.

Parlamentario Maduro a haci un serie di preguntanan critico, cu ta enfoca riba futuro, responsabilidad gubernamental y dignidad di nos grandinan.

Entre e preguntanan presenta, ta inclui:

- Con e fondo di SVB y AZV ta para pa e proximo 10 año? Tin sostenibilidad financiero a largo plaso?
- Gobierno tin plan pa saca e surplus for di e fondonan social via schatkistbankieren pa paga debe di estado, y con esaki lo afecta siguridat social?
- Ki efecto e legalisacion di ilegalnan segun e maneho di Minister Dowers tin riba e fondonan di AZV y SVB, tanto na termino corto como largo?
- Tin un plan concreto pa uza e experiencia y profesionalismo di pensionadonan cu ainda por y kier sigui aporta na solucionnan pa Aruba?

- Kico mester wordo preveni awe pa logra cu nos grandinan por keda mas vital y independiente den nan edad avansa?
- Ki plan tin pa haya mas personal cualifica pa yuda den e tehuizen?
- Ki tipo di incentivo of motivacion gobierno tin pensa introduci pa stimula hende pa traha den e tehuizen?
- Con ta para cu e casnan pa nos grandinan, y tin suficiente vivienda digno adapta pa nan necesidadnan?

Segun Parlamentario Maduro, e pensionadonan ta na altura di e retonan cu Aruba ta enfrenta, pero nan kier claridad y accion. Nan deseo principal ta, pa tende kico concretamente ta wordo haci pa garantiza cu nan por sigui biba nan bida di pensionado na un manera digno, cu cuido, respet y seguridad.

“E enfasis no solamente mester ta pa resolve problema di awe, pero mester pensa seriamente riba e futuro di nos grandinan y di e sociedad Arubiano en general,” Parlamentario Xiomara Maduro ta enfatisa.

E reunion a keda posponi te proximo aviso y ta di spera cu Parlamento y Pueblo no mester warda mucho mas pa asina scucha e contestanan concreto di Minister Wyatt Ras.

Fraccion di MEP cu preguntanan critico pa gobierno

Con a para cu renobacion di Aruba Huis?

FRACCION di MEP a haci preguntanan oficial na Gobierno riba e renobacion di Aruba Huis. Cu esaki, nan ta pidiendo claridad y transparencia total riba e gasto di placa publico, e proceso di destaho publico y e compania cu a wordo selecciona pa e trabou.

Den su preguntanan dirigi na minister Gerlien Croes, Fraccion di MEP ta pidiendo pa informa cuanto placa a wordo presupuesta, y con e destaho a tuma luga, y principalmente ta cual partido a gana e licitacion publico, mirando e especulacionnan aki na Aruba cu ta un persona cerca di e minister cu ta biba na Hulanda awor, lo ta esun encarga.

Tambe a pidi pa tur documentacion relevante wordo entrega na Parlamento, incluyendo e documentonan di destaho,

decision di destaho, contractnan y documento di inscripcion di Camara di Comercio di Hulanda di e compania cu a gana e destaho.

Transparencia no ta opcional, ta un obligacion segun Fraccion di MEP. Especialmente ora tin especulacionnan den comunidad cu ta circula, Gobierno tin e deber di aclaria tur cos na forma cla, completo y documenta.

E unico manera pa elimina duda y proteha confianza publico ta cu apertura total.

Cu e paso aki, Fraccion di MEP ta cumpli cu su tarea di control como parlamentarionan y ta bolbe subraya e importancia di bon gobernacion, dunamento di cuenta y respet pa ciudadano.



+297 730 1486

SABANA BLANCO 40
ORANJESTAD, ARUBA



Beauty Bar

P.M.U &
LASH ARTIST

By JEN

Specialised in

Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner

 Beauty Bar by Jen

 beautybar_byjen



Javier Silvania ta drenta bek den Parlamento despues di un pausa largo

E siman aki a marca un buelta importante den politica local ora cu e ex-minister di Finansa, Javier Silvania, a cuminsa oficialmente cu su labornan como miembro di Parlamento di Corsou. Despues di tabata ausente pa mas di tres luna, Silvania a bolbe ocupa su stoel den sala di Parlamento, un movecion cu tabata wordo spera pa hopi tempo door di su siguidonan den partido MFK.

E regreso aki ta cera un capitulo cu a cuminsa na october di aña pasa, ora cu Silvania a dicidi di tuma un tempo liber. Segun e mesun politico a declara anteriormente, e periodo aki tabata un “*vakantie bon mereci*” despues di a carga cu e responsabilidadnan pisa di e cartera di Finansa pa un periodo largo. Maske hopi hende tabatin nan duda riba e largura di su ausencia, Silvania a insisti cu e tabatin mester di e descanso ey pa e por a bolbe cu energia nobo pa fungi den su rol nobo legislativo.

Un transicion cu a causa hopi movimiento

Pa comprende con Silvania a yega bek den Parlamento, mester corda e sucesonan di e ultimo lunanan. Tabata riba dia 22 di october cu e Gobernador di Corsou a huramenta Silvania oficialmente como parlamentario. Esaki a sosode net un siman despues cu el a entrega su retiro como Minister di Finansa riba 15 di october. E cambio aki no tabata algo simpel, ya cu el a rekeri pa otro persona entrega su puesto.

Den e caso aki, Tyrone Boekhoudt tabata e persona cu a sacrifica su mesun posicion den Parlamento pa asina Silvania por a drenta. E movecion aki a genera hopi discusion den comunidad, specialmente pasobra el a coincidi cu un periodo di tension politico den e partido di gobierno. Boekhoudt no a keda keto, ya cu recientemente el a wordo nombra como Minister di Salubridad Publico, Medio Ambiente y Naturalesa, ocupando parti di e buraco cu Silvania a laga atras den e Gabinete.

E motibo tras di su salida como Minister

E salida di Silvania for di e puesto di minister no tabata algo planea cu hopi tempo di anticipacion, sino mas bien e resultado di un situacion cu a bira hopi tenso. Tur cos a cuminsa ora cu a



sali na cla un grabacion di audio unda por a scucha un discusion fuerte entre Silvania y e Inspector di Ontvanger, Alfonso Trona. E conflicto aki a crea un presion publico y politico asina grandi cu su posicion como Minister di Finansa y Salubridad a bira imposibel pa mantene.

Pa hopi observador, e decision p’e drenta Parlamento tabata un manera pa e keda den politica activo sin e presion di un ministerio. Awo cu e ta bek, e tin e tarea di representa e pueblo for di e banda legislativo, caminda e mester supervisa e trabou di e ministernan cu un tempo tabata su coleganan.


Un bonbini emocional

Riba su prome dia di trabou e siman aki, Silvania no a yega so. Un grupo grandi di militante y simpatisante di e politico a compañía Silvania te na porta di Parlamento pa muestra nan sosten. Esaki ta indica cu, a pesar di e polemicanan rond di su persona y e grabacionnan cu a lek, e ainda ta gosa di un popularidad considerabel den cierto sectornan di e poblacion.

Cu su regreso, e dinamica den Parlamento lo por cambia, considerando cu Silvania ta conoci pa su estilo directo di comunica. Awo e pueblo ta keda pendiente pa mira ki tipo di mocionnan e lo presenta y con e lo uza su experiencia den finansa pa contribui na e leynan di nos pais.

Fuente: Curacao.nu

Habitantenan di Zakito ta hiba gobierno corte di nobo p'e megaproyecto



E movimiento di bisindario Movimentu Save Zakito a dicidi di habri un caso hudicial nobo contra gobierno di Corsou. Esaki ta e di dos biaha cu e habitantenan ta busca amparo di hues den nan lucha contra e desaroyonan masivo na Zakito. E biaha aki, e conflicto ta draai rond di decisionnan controversial di e ministerionan di Transporte y Salubridad.

E prome biaha cu e grupo a bay corte tabata aña pasa. E tempo ey, nan tabata reclama cu e Minister di Trafico, Transporte y Planificacion Urbano (VVRP) no tabata cumpli cu su deber di mantencion di ley. Awo, e di dos apelacion ta dirigi contra un decision specifico di e Ministerio di Salubridad, Medio Ambiente y Naturalesa (GMN), data 14 di januari 2026. GMN a conclui cu e proyecto grandi di Zakito no tin mester di e asina yama 'hindervergunning' of permiso di molester.

Segun e argumento di Ministerio GMN, proyectonan di construccion no ta cay bao di e categorianan cu mester di permiso pa actividadnan cu ta afecta medio ambiente. Esaki ta nifica cu e desaroyador por sigui cu construccion di edificionan halto, un marina pa boto of yate, trabounan di rascamento di fondo di lama (baggeren) y instalacion di un brug movibel sin mester di un rapport di impacto ambiental (EIA) y sin cu habitantenan tin e derecho legal di duna nan opinion den un proceso di consulta publico.

Un maneho cu ta evita ley ambiental

Movimentu Save Zakito ta considera e posicion aki como legalmente sin defensa. Nan ta boga cu e proyecto ta un solo unidad y cu gobierno no mag di dividi esaki artificialmente den pida pida pa asina scapa di e reglanan estricto di medio ambiente. E habitantenan ta acusa gobierno di purba di minimalisa e dañonan

ambiental y di kier skip e obligacionnan legal pa e proyecto por sigui sin contratiempo.

E movimiento ta resalta cu hurisprudencia

Reciente ta confirma cu bisindario tin tur derecho di wordo considera como partido interesa den e procesonan aki. Nan no ta djis espectador, sino hende cu ta wordo afecta directamente den nan calidad di bida diario.

Tres aña di molester y problema di salud

Pa mas di tres aña caba, e bisindario ta biba den un situacion hopi dificil. Nan ta wordo confronta diariamente cu trafico di camionnan pisa, masha hopi zonido di construccion y un cantidad enorme di stof cu ta drenta nan cas. Esaki a cuminsa causa problemanan serio di salud, manera dificultad pa hala rosea y falta di sueño pa via di e stress y e boroto continuo.

Fuera di e molester fisico, e daño na e ecosistema ta masha grandi. E destruccion di e mangrovenan y e buffer natural na costa a empeora e situacion ambiental. Awo tin hopi awa para den e area, loke a bira un luga di cria pa sangura, aumentando e peliger di malesanan transmiti pa e insectonan aki.

Un punto hopi fuerte den e caso nobo ta e hecho cu e ordenansa di maneho di Rif (Rifbeheersverordening) a caduca legalmente na mei 2025. Toch, GMN a uza un exencion basa riba e ley ey pa hustifica e proyecto. Tambe e habitantenan ta cuestiona dicon a duna un permiso di baggeren net despues cu nan a pidi pa mantencion di ley. Segun e movimiento, esaki ta parece un intento pa legalisa un situacion cu originalmente tabata ilegal.

Fuente: Curacao.nu

BONEIRO

BC di Boneiro ta desmenti plan pa saca The Frans Paradise for di Sorobon

COLEGHIO Ehecutivo di Entidat Publico Boneiro (OLB) a sali publicamente pa desmenti categoricamente e rumornan cu tin plan pa kita e tereno na Sorobon for di e scol di windsurf, The Frans Paradise. Cu e declaracion aki, e gobernantenan kier trece tranquilidad despues di varios dia di speculacion den comunidad y riba plataformanan digital.

E polemica a cuminsa dialuna ora cu varios mensahe a cuminsa circula riba social media, sugeriendo cu e scol di windsurf di famia Frans lo mester bandona nan luga na Sorobon. E informacion aki a causa basta conmocion, considerando e importancia

di e atletanan aki pa e deporte local y internacional. Sinembargo, e mesun dia, diputado Clark Abraham a reaccionan riba e topico aki, bisando cu e informacionnan cu tabata rondia tabata “fake news” y no tabata basa riba ningun decision oficial di e BC.

Control regular di DTH

Segun e splicacion oficial di Coleghio Ehecutivo, e bishita di e Directie Toezicht & Handhaving (DTH) na e sitio no tabatin nada di haber cu un intento di ontruiming. E control a wordo ehecuta despues cu a ricibi señalnan cu posiblemente tabatin trabounan di construccion tumando luga riba tereno di gobierno sin e permisonan necesario.

BC a enfatisa cu e tipo di controlnan aki ta forma parti di e tareanan regular di e departamento di DTH. Nan a aclaria tambe cu e directiva di DTH mes no tin e mando ni e autoridad legal pa dicidi ken mag di uza un tereno, ni tampoco pa kita un tereno for di un tercero. E decisionnan ey ta resorta bou di otro departamentonan y BC mes, semper siguiendo e procedura legal debi.

Proteccion di area di Ramsar

E zona di Sorobon unda The Frans Paradise ta situa, tin un importancia ecologico grandi pasobra e ta wordo considera un area di Ramsar. Esaki nifica cu e ta un wetland (tereno muha) di importancia internacional cu mester wordo proteha estrictamente segun tratadonan mundial.

Debi na e status special aki, DTH tin e obligacion di controla tur e empresanan cu ta opera den e bisindario di Lac Bay. E meta di e bishitanan aki ta pa verifica si e actividadnan comercial ta cuadra cu e leynan di naturalesa y e reglanan di maneho di tereno. E gobierno a splica cu e inspeccionnan aki no ta dirigi especificamente riba un solo persona of negoshi, sino cu nan ta conta pa tur e operadornan cu ta activo den e area proteha ey.

Pa e motibo aki, e controlnan lo sigui tuma luga regularmente pa garantiza cu e desaroyo di turismo y deporte na Sorobon no ta perhudica e balor natural di e isla. BC a pidi comunidad pa no sigui plama informacion falso cu por crea tension innecesario entre e empresarionan y e autoridadnan local.

Na e momento aki, The Frans Paradise por sigui cu su operacionnan normal mientras nan ta cumpli cu e reglanan vigente.

Fuente: Bonaire.nu

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

UPB ta defende posicion den combersacionnan di coalicion

“E ta trata di responsabilidad, no di poder”

JOLINDA Craane, vocero di Union Patriotiko Boneriano (UPB), a sali publicamente pa aclaria e posicion di su partido despues cu e negociacionnan pa forma un coalicion nobo a tranca. Den un declaracion duna diamars, Craane a rechasa e criticanan cu ta bisa cu UPB tabata purba farsa nan caminda pa obtene dos puesto di diputado.

Segun Craane, e enfoke principal semper tabata e bienestar financiero di Boneiro y no un simpel sinta riba stoel di poder.

E discusion cu a surgi den comunidad, segun Craane, ta demasiado simpel y no ta cuadra cu e realidad di loke a wordo papia na mesa di negociacion. Craane, kende tin experiencia amplio como ex-diputado, a splica cu UPB a boga pa e introduccion di un “vakgedeputeerde” (un diputado experto of tecnico) specialmente pa e cartera di finansa. Esaki ta debi na e situacion financiero delicado cu e isla ta enfrenta actualmente.

Cambianan den relacion politico

Un punto clave den e declaracion di Craane ta e cambio den e forsa politico den Eilandsraad. El a recorda tur hende cu, debi na e salida di Salma Serberie for di Partido Demokratiko Boneriano (PDB), e partido ey a keda cu solamente dos asiento. Esaki ta nifica cu UPB awo ta e partido mas grandi di Boneiro cu tres asiento den sala di conseho.

“Como e fraccion mas grandi, bo no por keda un banda mira con cos ta bay malo,” Craane a declara. El a enfatisa cu e posicion nobo aki ta bin cu un peso grandi di responsabilidad.

Pa UPB, esaki tabata e momento pa purba trece movimiento den un situacion politico cu pa hopi tempo tabata pega. Segun e vocero, e papel di e partido mas grandi ta pa guia e isla den un direccion stabiel.

Prioridad riba finansa

E punto di conflicto principal durante e negociacionnan tabata e maneho di placa di pueblo. Craane a splica cu tin varios rapport cu ta indica cu e finansa di e isla no ta den bon condicion. Pa e rason ey, UPB a propone pa un specialista asumi e encargo aki temporalmente. *“Si bo tin prue-*



banan cu cos no ta bayendo bon, bo mester tin e curashi di bisa cu nos mester di un hende cu conocimiento specifico,” Craane a argumenta.

El a nenga rotundamente cu esaki tabata un manera pa concentra poder den man di UPB. Al contrario, el a afirma cu nan tabata dispuesto pa no tuma ningun puesto si esey tabata nifica cu un experto por a drecha e situacion financiero. *“No ta trata di stoel, ta trata di asumi responsabilidad. Nos a yega di bisa cu si no por den e forma aki, nos no tin mester di ningun puesto mes.”*

Transparencia y futuro

Craane a admiti cu su estilo di negocia ta wordo mira como uno duro y directo, pero el a insisti cu esaki ta necesario pa cambia e cultura politico na Boneiro. El a bisa cu e no ta kere den perde tempo den combersacionnan cu for di principio bo sa cu no tin futuro. *“Mi ta prefera di ta honesto for di cuminsamento, maske esey causa resistencia.”*

Finalmente, UPB a laga e porta habri pa futuro combersacionnan, incluyendo cu PDB, a pesar cu e partido ey awo tin menos asiento. E meta final, segun Craane, mester ta semper loke ta mas miho pa e comunidad di Boneiro. E partido ta keda firme den nan vision di un gobernacion responsabel y tecnicamente capacita pa saca e isla padilanti.

Fuente: Bonaire.nu



COME IN
WE'RE
OPEN

CAYA HARMONIA 1. LOKAAL 2
NOORD (PATRAS CITGO SASAKI)



RECETA DI DIA



Golden Nectar Glazed Chicken



ESAKI t'e combinacion supremo pa un cena cu ta parce di un restaurant di 5 streya.

E galiña glasea cu honing ta e strea principal, pero e berduranan haci na forno cu un toke di balsamico ta duna e plato e profundidad y e frescura cu e mester.

E colonan bibo di e berduranan hunto cu e brillo di e galiña ta haci esaki un experiencia visual y di sabor inolvidabel.

Ingrediente pa e galiña

- 1/4 cup di honing
- 2 cuchara di soy sauce
- 1/8 telep di red pepper flakes
- 1 1/2 cuchara di azeta di oleifi
- 2 pecho di galiña sin weso y sin cuero, corta na pida chikito

Ingrediente pa e berdura (Side Dish)

- 1 pida broccoli corta na flor chikito
- 2 wortel corta na wiel fini
- 1 siboyo cora corta na pida hancho
- 2 cuchara di azeta di oleifi
- 2 cuchara di balsamic vinegar
- 1 telep di dried herbs manera oregano of rosemary
- Salo y pepper na bo smaak

Instruccion

1. Cushina e berduranan (E side dish): Keinta bo forno na 200 grado Celsius (400 F). Riba una teblachi di forno, pone e broccoli, wortel y siboyo. Basha e azeta di oleifi, e balsamic vinegar, e yerbanan seco, salo y pepper riba nan. Mescla tur cos bon pa e berduranan keda bon cubri. Pone nan den forno pa mas of menos 20 pa 25 minuut te ora nan ta suave pero ainda tin un poco di "crunch" y colo bruin bunita.

2. Prepara e saas di galiña: Mientras e berduranan ta den forno, den un comchi chikito, mescla e honing, e soy sauce y e red pepper flakes.

3. Hasa e galiña: Keinta e azeta di oleifi den un panchi riba candela medio. Agrega e pidanan di galiña y hasa nan pa mas of menos 5 minuut te ora nan haya colo.

4. Glasea e galiña: Basha e mescla di honing den e panchi cu e galiña. Sigui cushina pa 5 minuut mas te ora e saas bira diki y e galiña ta completamente glasea.

5. Presentacion Final: Sirbi e galiña glasea den centro di e plato y rondon'e cu e berduranan colorido cu a sali for di forno. Bo por agrega un poco di aros blanco si bo desea pa e plato keda mas yen ainda.

Fortaleza pa Famia

Cana den e luz di Cristo Hesus

TIN hopi caminda ta parce bunita, parce bon, parce alegre, tin yen di amistad, pero e caminda ey ta hiba na perdicion. Tin biaha un mentira ta asina nechi empaketa cu e ta parce berdad, y nos tin di lanta nos hobennan cu e berdad, pa asina evita cu nan ta cay den e trampa di e enemigo.

Cana den e luz di Cristo Hesus ta nifica cana den e boluntad di Dios, pasobra solamente eyden no tin proteccion. E palabra di Dios ta bisa: Ma si nos ta cana den luz, mescos cu E mes ta den luz, nos tin comunion cu otro, y e sanger di Hesus, Su Yiu ta limpia nos di tur pica (1 Juan 1;7).

Si bo por tin un amistad cu ta conseha bo pa cana temporalmente den scuridat, pasobra nada no ta bay pasa, esey no ta un amistad berdadero.

Si bo por tin un amistad cu ta invita como bon amigo pa bo participa den inmoralidad, e amigo no ta berdadero. E ta ciego, y e kier guia bo den caminda di scuridat caminda boso dos lo cay hunto.

Ami ta e luz di mundo, esun cu sigui Mi lo no cana den scuridat, ma lo tin e luz di bida. E luz di bida den nos cu ta Cristo Hesus, ta trece fruta diferente for di ora nos ta cana den scuridat.

Algun cos cu e ta kita for di nos ta mal beis, papia palabra malo, zundramento, jaloersheid, envidia, rabia, falta di pordon, tur esaki nan e luz di Cristo ta kita, pasobra e luz ta trece amor y ta siña nos stima nos prohimo.

Pa poco tempo mas e luz ta meymey di boso. Cana mientras cu boso tin e luz, pa scuridat no sorprende boso, esun cu ta cana den scuridat no sa na unda e ta bay. Mientras boso tin e luz cana den e luz pa boso por bira yiunan di luz (Juan 12:35).

Ningun hende cu ta cana den e luz no ta conseha ningun otro persona pa cana den scuridat, pasobra e amor di Dios, ta luz di Dios, ta claridad di bida, ta fuente di salvacion y bida eterna.

Pasobra antes boso tabata cana den scuridat, ma awor boso ta luz den Señor, cana como yiunan di luz (Pasobra e fruta di e luz ta consisti di tur bondad y humildad y berdad)



Tratando di siña loke ta agradabel na Señor, y no participa den obranan infructifero di scuridat, sino mas bien expone nan (Efesonan 5:9-11).

Dios ta luz y den dj'E no tin nada, nada di scuridat. Esun cu ta bisa cu e tin comunion cu Dios y e ta cana den scuridat, e ta gaña y no ta practica e berdad.

Shonnan Dios ta yama nos pa cana den luz constantemente, y no temporalmente, pasobra nos ta yiu di Dios 24/7 y Dios ta nos Tata 24/7. E a priminti di nos bandona nos, y ni tampoco laga nos desampara.

Esun cu bisa cu e ta den luz y sinembargo ta odia su ruman ta den scuridat te ainda. Esun cu ta stima su ruman ta permanece den luz y no tin motibo den dje pa tropica. Ma esun cu ta odia su ruman ta den scuridat y ta cana den scuridat, y e no sa unda e ta bay, pasobra e scuridat a ciega su wowonan.

Pasobra Bo ta cende mi lampi, Señor mi Dios ta ilumina mi scuridat (Salmo 18:28).

Laga nos pone e obranan di scuridat un banda y bisti e armadura di luz (Romanonan 13:12).

Santo di Dia

Awe ta Dia di San Juan de Brito

E Misionero cu a bira Martir pa Fe na India

DEN e historia largo di Iglesia Catolico, tin figuranan cu a destaca pa nan curashi y pa nan capacidad di adapta nan mes na culturanan completamente diferente pa por hiba un mensahe di paz y amor. Un di e personanan aki ta San Juan de Brito, kende su fiesta ta wordo celebra tur dia 4 di februari. Su bida ta un ehempel di sacrificio y dedicacion total na un causa cu e tabata considera mas grandi cu su mesun seguridad.

Un hubentud den corte real

Juan de Brito a nace na Lisboa, Portugal, na aña 1647. E no a nace den un famia pover; al contrario, su famia tabata hopi cerca di e famia real di Portugal. El a crece hunto cu e futuro Rey Pedro II, loke kiermen cu e tabatin tur e oportunidadnan pa biba un bida di luho, poder y comodidad den palacio. Sinembargo, for di un edad trempan, Juan a sinti un yamada diferente. Na luga di busca e glorianan di e mundo politico, el a dicidi di dreña den e Compania di Hesus, miho conoci como e Jesuitanan, ora e tabatin apenas 15 aña di edad.

E Mision na India

Despues di su estudionan y su ordenacion como pader, e deseo di Juan tabata pa bay predica na luganan leu. Na aña 1673, el a biaha pa India, specifico pa e region di Madurai. Aki e la topa cu un reto enorme: e sistema di casta cu tabata dividi e sociedad fuertemente. Juan a comprende rapidamente cu, pa e hendenan local scucha su mensahe, e mester a biba mescos cu nan.

El a dicidi di bira un “Pandara Swami”, un tipo di pader austero cu tabata biba cu masha poco materialismo. El a stop di come carni, el a laga su cabey crece, el a bisti paña di colo oraño y el a cana pia abou. Pa medio di e adaptacion cultural aki, el a logra gana e respet di hopi hende, for di e pobernan te cu e noblenan di e region.

E morto di un heroe di Fe

Aunke su trabou tabata exitoso y el a batisa miles di persona, su presencia a cuminsa molestia e lidernan religioso y politico local. Nan tabata mira e expansion di e cristianismo como un menasa pa nan tradicionnan y nan poder. Na aña



1693, despues di a wordo arresta y tortura varios biaha, el a wordo sentencia na morto.

Juan de Brito no a huy pa su destino. El a acepta su sentencia cu humildad. Dia 4 di februari di aña 1693, nan a corta su cabes na e stad di Oriyur. Su sanger a wordo drama riba e tera cu el a siña stima tanto. Su bida a keda marca como un di e martirnan mas grandi di e fe catolico na Asia.

Un mensahe pa mundo moderno

E bida di San Juan de Brito ta recorda nos riba e importancia di empatia y di comprende e “otro”. Den un mundo caminda hopi biaha nos ta hisa muraya entre diferente cultura, e santo aki a prefera di traha brug. El a demostra cu e fe no ta algo cu mester wordo imponi, sino comparti pa medio di e ehempel di bida y e respet pa e identidad di e prohimo.

E wardado Fiel

Confia den e tempo perfecto di Dios

DEN e careda di bida diario, hopi biaha nos ta sinti e presion pa logra tur cos mesora. Nos ta biba den un mundo cu ta exige rapidéz, unda spera ta wordo bista como un perdida di tempo.

Pero, pa e ser humano cu tin fe, pasenshi no ta simplemente un espera pasivo; e ta un acto di profundo confiansa den e Creador. Pasenshi ta e capacidad di warda cu un curason trankil, sabiendo cu Dios tin e control absoluto di tur nos dianan.


E concepto di e tempo divino

Pa nos, tempo ta algo cu nos ta midi den minuut y ora, pero pa Dios, e tempo tin un nificacion distinto. Hopi biaha nos ta pidi algo y nos kier e contesta aworaki. Sinembargo, Dios ta mira e panorama completo di nos bida. E sa kico nos tin mester prome cu nos mes sa.

Ora nos ta papia di e tempo perfecto, nos ta referi na e momento unda nos preparacion spiritual ta cuadra cu e bendicion cu E kier duna nos. Si nos ricibi algo prome cu nos ta cla p'e, nos por benta esaki afo. P'esey, e espera ta un scol unda nos ta siña humildad y dependencia.

Pakico nos mester tin pasenshi?

Pasenshi ta un di e frutanan di e Spirito Santo. Sin e virtud aki, nos bida spiritual ta bira yen di ansiedad y frustracion. Ora nos purba forsa e porta habri, nos ta core e riesgo di drenta den luganan cu no ta pa nos. Dios sa cua caminda ta esun safe. Warda riba Dios ta nifica reconoce cu Su sabiduria ta hopi mas grandi cu nos deseo personal. E tempo di espera no ta un tempo bashi; e ta un tempo di crecemento. Durante e periodo aki, Dios ta traha den nos character, e ta moldear nos fe y e ta siña nos pa scucha Su bos den e silencio.



Confiansa den e proceso

Masha hopi biaha den Bijbel nos ta mira personanan cu mester a warda hopi aña pa mira e promesa di Dios cumpli. Abraham mester a warda, Moises mester a warda den desierto y David mester a warda pa bira rey. Ningun di nan a wordo lubida pa Dios. Al contrario, e tempo di espera tabata necesario pa nan por a carga e responsabilidad cu tabata bin despues. Si bo ta sinti cu bo oracionnan no ta wordo contesta, corda cu un “no” aworaki por ta un “warda un poco mas” pa algo miho den futuro. Dios nunca ta tarda, E semper ta yega na ora.

Con pa warda cu alegria?

Warda riba e tempo di Dios no mester ta un martirio. Nos por warda cu alegria ora nos sa cu nos bida ta den bon man. E secreto ta pa keda ocupa

den e cosnan cu Dios a duna nos caba pa haci. Sea fiel den e cosnan chikito mientras bo ta spera riba e cosnan grandi. No laga desesperacion horta bo paz. Ora bo sinti cu bo no por mas, busca forsa den oracion. Laga e paz di Dios, cu ta surpasa tur comprendemento, warda Bo curason y Bo mente.

Pa termina, nos mester corda cu Dios su tempo no ta nos tempo, pero Su camindanan ta perfecto. Pasenshi ta e brug entre bo situacion actual y e milager cu bo ta spera. Ora bo stop di bringa contra e relas y bo cuminsa cana na e ritmo di Dios, bo bida lo cambia. Confia cu E ta trahando tras di cortina, orkestrando tur cos pa bo bienestar. Warda riba e Señor, sea fuerte y laga bo curason tuma curashi. E tempo perfecto di Dios ta e unico garantia di un felicidad cu ta dura pa semper.



John 5:28-29 "All those in memorial tombs will hear his voice and come out."

To accept that you are suddenly no longer with us is a heavy task, but the thought of you, who lived for others, shall give us the strength to carry on

Our beloved husband, father, grandfather, brother and uncle

Gary Michael de Nobrega

*21-06-1946 - † 31-01-2026

Loved beyond words, remembered beyond time

He is lovingly remembered by

Spouse: Sonia de Nobrega-Wever

Children:

Ivolaine de Nobrega and Ricardo de Sanders
Michael Rienick de Nobrega and partner
Jeanine and Gert-Wim de Nobrega-Hogeveen
Cyrielle and Robert de Nobrega-Arends
Cedric de Nobrega and Catalina Maya Taborda
Camille de Nobrega and Nielsen Kock

Grandchildren:

Yrishar, Senna, Jules, Mia and María Camilla

Great-granddaughter: Aya-Lina

Brothers and sisters:

Jocelyn and Judith de Nobrega-Quandt
Wayne and Edith de Nobrega-Dongen
†Bonny and Claudina de Nobrega-Becker
Diana and Erick de Nobrega-Uchtmann
Paul de Nobrega
Derrick and Imy de Nobrega-Becker
Andy and Patricia de Nobrega-Quant
Judy and Rudy de Nobrega-Giel
Heidi and Gaby de Nobrega-Brown, and
Sister-in-law Magaly Heronimo

In-laws:

† Jeanette Lampe-Falcon and family
† Marlene Wever-Maduro and family
Irena Wever-Torres and family
Shirley Wever and family
Glenn Maduro and family

Nephews and nieces: Colin, George, Milton, Guilhem, Lucille, Donna, Luon, Edayne, Wendy, Mark, Jocelyn, Vito, Derek, Clayton, Michael, Jilka, Joylene, Kristel, Curt, Jayden, Mayra, Darin and Dwayne, and his great-nephews and great-nieces

With a special place in his heart: Gregory Fung-a-Fat, † Jarino Toppenberg, Patricia Knijnenburg, Anthony Geerman, Edwin Hazeleger, Damian, Delany, Naima and Born.

Friends who became family: Efraim Antonio, Roberto Pablo, Nico van der Wal, Francis Petronia, Osling Toppenberg, Edmondcito, Julian and Luis Karam.

And a wide circle of extended family and friends:

Wever, Hogeveen, Mata, Kock, El Amari, Fung-a-Fat, Gomes, Penney, Geoffroy, Toppenberg, Quandt, Dongen, Becker, Uchtmann, Brown, Heronimo, Quant, Woiski, Falcon, Maduro, Torres, Petronia, Hazeleger, De Lange, Van der Wal, Van den Berg, Laclé, Karam, Jonis, Antonio, Zaandam, Meenhorst, friends of Companashi and ex-colleagues of The Mill Resort/ Courtyard by Marriot.

The farewell ceremony will be held at Pro-Cathedral San Francisco in Oranjestad, **5th of February 2026**, from 1– 4pm. Afterward, we will accompany Gary to his final resting place at the Catholic Cemetery in Oranjestad. After the farewell ceremony, the family will not receive condolence visits at home.

Instead of flowers, we kindly request a donation to the foundation Lever Stichting Aruba Aruba Bank – account #6009600190.

Please forgive us, if in our grief, we have unintentionally overlooked someone. We thank you for your understanding, love and prayers during this difficult time.



"Wat op liefde gebouwd is, kent geen vergeten".

In gedachten nam je afscheid van ons en nu nemen wij afscheid van jou.

Uit on leven maar voor altijd in ons hart.
Rust zacht moeder en grootmoeder.

Marie Winalda Williams

*20-12-1938 te Moengo †31-01-2026 te Aruba

Gehuwd geweest:

†Tirso Jenaro Benjamin Steba

Enige dochter van:

Vader: †James Cornelius Jacobus Williams
Moeder: †Esseline Georgine Rahman Williams

Kinderen: Melinda, Gregory en Omar Steba

Klein kinderen: Jasmine en Trevor Steba

Aan alle familie, aangetrouwde familie's, kinderen en klein kinderen in suriname, Nederland en Aruba: Williams, Steba, Lopez, Rahman

Ook alle vrienden en burenen: de Freijtas, Heinze, Malmberg, van Eer, Halley, Kock, Bronswinkel, Braafhart, Lande, Kelly, Bosnie, Williams, Comenencia, Lopez, Winklaar

Excuses als we vrienden en families vergeten zijn.

Wij nodigen u het heen gaan van Ons moeder, grootmoeder bij te wonen op **zaterdag 7 februari 2026** van 2:00 tot 4:00 pm bij Aurora Funeral Home, daarna bij het centraal begraafplaats te Sabana Basora.



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Autor: Cado Wever.

Cu dolor na nos curason, nos ta participa fayecimento di:

Felipo F. Martinus

Cariñosamente yama "Felipe"
*20-09-1952 - †26-01-2026

Acto di entiero lo wordo anuncia despues



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa".
Salmo: 23

Cu dolor na nos curason, nos ta participa fayecimento inespera di nos ser stima:

Euricca Stacy Balan

"Stass"
*28-02-2005 - †26-01-2026

Acto di entiero lo wordo anuncia despues



"Señor ta mi wardador, mi'n fin falta di nada
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa." Salmo:23

Cu profundo tristesa den nos curason nos ta anuncia fayecimento inespera di nos ser stima:

Yolanda Christina Perez-Vrolijk

*07-12-1961 - †29-01-2026

Na number di su

Esposu stima:

Franklin "Teng" Perez

Yiu stima:

Jairo Perez

Su mama stima:

Livia Vrolijk-Tromp

Rumanan stima:

Anthony Vrolijk y Jealda Damian
Tico Vrolijk y Olga Cecilia Castaño
Gwendy Vrolijk

Sobрино y sobrinanan stima:

Gislain Thodé
Anthajeon Vrolijk y Jeandre Tromp
Veronique Vrolijk y Patrick Werleman
Shawn Vrolijk

Sobresobrina stima:

Alaissa Tromp

Swa y Cuñanan:

Mirto y Hortencia Perez Henriquez
Helen Perez y Francis Fecunda
†Hubert y Florence Perez Hora

Tantanan:

Bertha Fingal y yiu
Pascualita Tromp y yiu
Magdalena Tromp y yunan
Ali Laclé y yunan
Tina Vrolijk

Primo y primanan, coleganan di Botica Sta Cruz, amiganan y compañeronan di Dialyse y Lite Life. Su amiga stima Lissette Wernet.

Demas famia:

Perez, Vrolijk, Tromp, Damian, Castaño, Thodé, Fingal, Laclé, Oduber, Croes, Upequi, Cruz, Boekhoudt, Nivilac, St Jago, Werleman, Henriquez, Fecunda, Hora, de Roo, Wever.

Nos ta invita demas famia, bisiña, y conocirnan pa ceremonia y despedida cual ta tuma lugar **Diaranson 4 februari 2026** di 9or pa 11or di mainta na Aurora Funeral Home. Cremacion lo tuma lugar den seno familiar.

Nos ta lamenta cu despues di entiero nos no por ricibi bishita di condolencia na cas.

Nos disculpa si den nos tristeza nos por a lubida cualkier persona of famia.



Fundashon
Ultimo Deseo Aruba

Cerca dios mi ta sigur, e ta amor y fieldad
Salmo 57

Cu duele den nos curazon, pero conforme cu boluntad di Señor Todopoderoso nos ta anuncia fallecimiento cristiananamente di nos Tata, nos Suegro, nos Opa, nos Ruman, nos Omo, nos Swa stima:



Remigio Aureliano
Rafael Wever

Cariñosamente yama Mimi.
A nace 01 oktober 1942 y a fayece 03 februari 2026

Su esposa stima:
† Diana F. Wever Arendsz

Su yiunan stima:
Remi Wever y esposa Shèrel Wever van Cleef
Raymond Wever y esposa Marelva Wever Werleman

Su nietonan stima:
Rayderick Wever y Raydeline Wever

Su rumannan stima:
† Pancho Wever, esposa Carla Wever Thijsen y famia
Epi Wever, esposa Glenda Wever Croes y famia
Wichi Wever, esposa Dita Wever Tromp y famia
Chichi Delaney Wever, esposo † Chebito Delaney y famia
† Mena de Cuba, esposo Chito de Cuba y famia
Chita Vloet Wever, esposo † Chris Vloet y famia
Mauricio Wever, esposa † Agnes Wever Janga y famia
Chinto Wever, esposa Ingrid Wever Croes y famia
Booshi Wever, esposa Marlyn y famia

Su swa y cuñanan stima:
†Edna Meelis Arendsz, esposo † Jan Meelis y famia
Walter Arendsz, esposa† Ella Arendsz de Cuba y famia
Aura de Cuba Arendsz, esposo † Juan de Cuba y famia
Erica Arendsz y famia

Edwina Fellerhof Arendsz, esposo John Fellerhof y famia
Edwin Arendsz, esposa † Rita Arendsz Croes y famia
Eric Arendsz, esposa Wina Arendsz Kock y famia
Imelda Medina Arendsz, esposo Jorge Medina y famia
Franklin Arendsz, esposa Ineke Arendsz Rijnders y famia

Tur su subrino- y subrinanan, hijanan y demas famia cu tanto ela stima.

Consuegroman:
† Tommy van Cleef y † Linda van Cleef Faro
Buchi Werleman y Carmen Werleman Boekhoudt

Demas famia, amistad- y conocirnan.

Un danki especial na Wit Gele Kruis y Stichting Cas di Machi, en especial Cristina, Leydi y Flora y tur cu a stime asina hopi.

Acto di despedida y misa lo tuma lugar **diasabra 7 februari 2026** di 02or pm pa 04or pm na Misa Sagrado Curazon di Hesus na Savaneta.
Cremacion lo tuma lugar den seno familiar.

Na lugar di flor of krans, lo tin un box disponible pa Stichting Cas di Machi.

Despues di entierro lamentablemente nos lo no por ricibi bishita di condolencia na cas.

Staff y personal di Ad Patres funeral home & crematorium San Nicolas ta extende nos mas sincero condolencia na Famia di e fayecido.

“ Señor ta mi wardador, min’n tin falta di nada.
Den cunucu di yerba berde e ta ponemi sosega.
E ta hibami na awa trankil,
Pa mi bolbe haya forsa.”
Salmo: 23

Nos ta anuncia fayecimento di:



Francisca Croes – Croes

Mihor conoci como Chita, TanChita, mama grandi
*24 July 1938 - † 31 January 2026

Casa:
Reginald (Nady) Croes

Yuinan:
Reginald y Zahaira
Roslyn y Aldrin

Nieto y nietanan:
Richinella
Amalia
Christina
Christiaan

Bisnieto y bisnietanan:
Rayenne Tromp
D-shean Thomas
Cislainey Thomas

Rumannan:
† Louisa Croes
† Maria Croes
† Juan y † Annie Croes
† Jacobo y †Bibi Croes

Tur su sobrino y sobrinanan na Aruba y Hulanda

Demas sobre sobrino y sobrinanan, primo y primanan, swa y cuñanan, famianan na Corsow y Hulanda.

Su amiga sra. Lita
Bewoners y zuster en broeders Centro di Cuido SABA

Demas famianan: Croes, Maduro, Henriquez, Geerman, Werleman, Kransen, Ruiz, Schoop, Leon, Bareño, Berg, Bitorina, Cijntje , Tromp, Thomas y demas famia.
Nos disculpa si den nos tristeza nos por a lubida un of otro famia.

Ta invita pa e acto di intiero cu lo tuma lugar **Diabierna 6 February 2026**, di 2’or pa 4’or di atardi, na misa Inmaculada Concepcion na Santa Cruz pa despues sali pa Santana Sabana Basora.

Oportunidad pa condolencia ta **Diahuebs 5 February 2026** di 6’or di atardi pa 8’or di anochi na Olive Tree Funeral Care & Crematory na Piedra Plat.

Nos ta lamenta cu despues di entierro no ta ricibi bishita di condolencia na cas.

Hesus a bis’e: ‘Ami ta resurreccion I bida; esun ku a kere den Mi, lo biba asta si e muri. I niun hende ku tin bida eterno, lo no muri nunca mas.
Juan 11:25

Cu dolor na nos curason pero conforme cu boluntad di Dios, nos ta anuncia fayecimento di nos Tata, Welo y Ruman stima:



Feliciano Arends

Cariñosamente yama “Fefe”
*14 Oktober 1935 - †1 Februari 2026

Na number di su:
Casa:
†Maria Jeanette Arends-Arends

Yiu:
Guido F. Arends y Sra. Anabel Arends-Mojica

Unico Nieto:
Gilmar Arends y Sra. Laura Arends-Gabler

Rumannan:
†Jorge y †Ruth Arends-Odor y famia
Everaldo y Sally Arends-Frans y famia
Lilia y †Antonio Maduro-Arends
†Rita y †Pedro Yarzagaray-Arends y famia
†Edwin y †Olga Arends-Leo y famia
Yolanda Arends
Lidia y Den Thijzen-Arends y famia

Ayudante na Cas: Felicia Castillo-Peña y Cas di mi Dudu.

Demas Sobrino y Sobrinanan, Primo y primanan, amigo y amiganan, bisñanan y demas conocirnan.

Demas famia:
Arends, Mojica, Gonzalez, Rasmijn, Luidens, Yarzagaray, Thijzen, Wanapa, Leysner, Vingal, Peterson, De Leon, Ponson, Van Dijk y demas famianan den exterior.

Nos disculpa si den nos tristesa nos por a lubida di menciona algun miembro di famia of amigonan.

Ta invita demas famia, bisña, amigo y conocirnan pa asisti na e acto di entierro cual lo tuma lugar **Diabierna, 6 di februari 2026** for di 2’or pa 4’or di atardi na Ad Patres Funeral Home and Crematorium na San Nicolas.

Despues nos lo sali cu nos defunto stima pa Santana Central na Sabana Basora.

Nos ta lamenta cu despues di entierro nos no lo por ricibi bishita di condolencia na cas.

Staff y personal di Ad Patres Funeral Home & Crematorium ta extende nos mas profundo condolencia na famia di e fayecido.



“Señor ta mi Wardador, pues mi’n tin falta di nada; Den cunuku di yerba berde, E ta pone mi sosega. E ta hiba mi na awa trankil, pa mi bolbe haña forsa. E ta guiami den caminda drechi fiel na su nomber.” Salmo 23

Cu hopi tristeza na nos curason , pero conforme cu boluntad di Dios, nos ta anunsia fayesimento di :

Frank Miguel Henriquez

*30-08-1989-†27-01-2026

Acto di entierro lo wordo anuncia despues

The LORD is my shepherd; I shall not want. He maketh me to lie down in green pastures: he leadeth me beside the still waters. He restoreth my soul: he leadeth me in the paths of righteousness for his name’s sake. - Psalm 23; 1, 2, 3

With deep sorrow, we announce the passing of Franklin “Frankie” Donald Arnell, who passed away peacefully on January 23, 2026, in San Nicolas, Aruba, at the age of 82.

Franklin “Frankie” Donald Arnell

March 30, 1943 – January 23, 2026



OBITUARY

With deep sorrow, we announce the passing of Franklin “Frankie” Donald Arnell, who passed away peacefully on January 23, 2026, in San Nicolas, Aruba, at the age of 82.

Better known as Frankie, Franklin was the beloved son of Julie Elvire Arnell-Duruo and George Martinus Arnell, both of St. Martin, who preceded him in death. Franklin was the devoted husband of Mrs. Sharine Arnell-Mercelina, with whom he shared a life filled with love, companionship, and treasured memories.

Franklin leaves behind his loving children:

- Claudius Gumbs and family in Anguilla
- Jaqueline Arnell and family in the Netherlands
- Miranda van Aken and family in the Netherlands
- Joël van Rhijn and family in the Netherlands

He is lovingly remembered by his surviving brothers and sisters:

- Harold “Sonny” Arnell and family in the United States
- Laura “Wendy” Arnell and family in Aruba

He was predeceased by his siblings:

- Benicio Arnell
- Thomassillienne Arnell
- George Arnell

He will be deeply missed by his nephews and nieces:

- Jacqueline A. Sample-Lake and family in the United States
- Lasana M. Sekou and family in St. Martin
- Judith M. Lake in Curaçao
- Duane Felder in the United States
- Sonja and Joseph Davis and family in the United States
- Angelique and Keith Payne and family in the United States
- Gloria and Norman Marshall and family in the United States
- Johan and Ahleen Bosnie and family in Aruba
- Harold and Glenda Bosnie and family in Aruba
- Julio Bosnie in Aruba
- Wendy and Christian Cortorreal and family in the United States
- Ricardo Arnell and family in St. Martin

Through marriage, Franklin is fondly remembered by his in-laws:

- Humphrey Marcelina and family in Curaçao
- Nerva van Heyningen and family in Curaçao
- Lupe Marcelina and family in Curaçao
- Dulce Marcelina and family in the Netherlands
- Ludmila Marcelina and family in the Netherlands
- Cedric Marcelina and family in the Netherlands
- Edseline Marcelina and family in the Netherlands
- Ramsey Marcelina and family in the Netherlands
- Sandy-Lou van der Eijk and family in the Netherlands

Franklin “Frankie” Arnell leaves behind cherished friendships.

He will be lovingly remembered by his best friends:

- Romero Baptist
- Johnny Martis
- Daniel Clarke
- Rosendo Bryan
- Hector “Boei” Peters

And all his dear friends in the Netherlands, Aruba, Curaçao and St. Martin, too numerous to mention.

Their companionship and shared memories meant so much to him. During his final years, Franklin resided at Fundacion Paraiso, where he received compassionate care from Sra. Jardinella and Gabriel Maduro, whose dedication and kindness brought comfort to him and his family. Many thanks also to the nurses for taking care of Mr. Arnell.

We wish to acknowledge with gratitude the support and memories shared with the San Nicolas Softball teams – the Movers and the Tigers in Aruba – who were an important and joyful part of his life.

Franklin will be remembered for his kindness, strength, humor, and warmth. His memory will live on forever in the hearts of all who knew and loved him.

He was related to the Arnell, Duruo, Duzant, Richards, Gumbs, and Louisa Reed families, among many others. Forever in our hearts. Rest in peace. Our sincere apologies if anyone has been unintentionally omitted.

The Funeral Service

The funeral service for the late Franklin “Frankie” Donald Arnell will be held at Ad Patres Funeral Home, Rensselaerstraat 2, San Nicolas, Aruba. *On Monday, February 9, 2026*, the service will take place from 1 p.m. until 5 p.m. This will be followed by a private cremation ceremony for the family. After the service, there will be no visitation at the family residence.

For those unable to attend in person, the funeral service may be followed via live stream: <https://www.youtube.com/live/q8q7L-8FFAA?si=L7uoe55rDQ0lDqR1>

Staff and Management of Ad Patres Funeral Home & Crematorium extend their most sincere condolences to the bereaved family.

“Señor ta mi Wardador, pues mi’n tin falta di nada; Den cunuku di yerba berde, E ta pone mi sosega. E ta hiba mi na awa trankil, pa mi bolbe haña forsa. E ta guiami den caminda drechi fiel na su nomber.” Salmo 23

Cu inmenso tristesa, pero alabes cu gratitud pa un bida yen di fe y amor ta anuncia fayecimento di nos esposa, mama, wela, ruman y tanta stima.

Julieta Christina Kelly-Semerel

*24-07-1948-†31-01-2026



Esposo

Gregorio C. Kelly

Yuinan

Roderick (Ricky) Kelly
Julissa Henriquez-Kelly & † Francis Henriquez

Nietanan stima

Cindy y Celine Henriquez

Mayornan

† Theodoor P. Semerel & † Maria Rosaria Semerel-Geerman

Rumanan

Mario & Martha Semerel y famia
† Juanita Semerel y famia
Carmen & Fai Frank y famia
Margarita & Johnny Seraus y famia
† Francisco Semerel
Diana & Claudwick Peterson y famia
Ilda Semerel y famia
Henry Semerel y famia
Leo & Rizah Semerel y famia
Olga & + Melindo Dubero

Swanan y cuña

Dominico & † Margo Kelly y famia
† Sofia & † Pablo Tromp y famia
† Jose & † Petra Kelly y famia
†Joseph & Vera Kelly y famia

Tanta

Tanta Chita Lacle-Geerman y famia

Omo

Toy & Ita Geerman y famia

Suegro y suegra di su yui Julissa

Hyacintho y Bernadetta Henriquez y famia

Iha

Mervely S. Romano y famia

Amiganan di cas

Brigida Croes
Marisela Ramirez
Vanessa Arambatzis

Un danki na:

Jose Dirksz (Joe) pa su gran ayudo y tambe na Lola Geerman di Koningin Wilhelmina Kanker Fonds. Tur cliente di Ricky’s Beauty Salon cu tur diasabra tawata puntra pe y semper a aprecia nos mama stima.

Tur primo y primanan, sobrino y sobrinanan y demas famia: Kelly, Semerel, Henriquez, Trimon, Geerman, Tromp, Dirksz, Frank, Seraus, Dubero, Peterson, Romano, Vermeulen, Lacle, Dijkhoff, Herms, Fingal, Semeleer.

Ta invita pa acto di entierro cual lo tuma lugar **di-aranson dia 4 di februari 2026** na Misa Santa Anna na Noord di 9or pa 11 di mainta. Y ta sali despues pa Santana Catolico di Noord.

Alabez ta invita pa 3 Santo Sacrificio di Misa na Misa Santa Ana na Noord.
Diabierna 6 di februari 6or PM
Diasabra 7 di februari 7or PM
Diaranson 11 di februari 6or PM

Si den nos dolor nos a lubida pa menciona algun persona nos ta pidi nos disculpa pa esaki.

“Que mi espíritu resignado retorne a mi Creador, quien me la dio! Que por tu bondad infinito sea yo declarado justo ante tus ojos! Que en el libro de la vida este mi nombre escrito por tu inmerecida bondad! Y tener el privilegio en tu misericordia con los míos presenciar el día de tu gran Gloria!”

Pa medio di esaki nos ta anuncia fayecimento di:

Eduvigio Wever

Mihor conoci como: “Bibi”

*3 Januari 1949 †28 Januari 2026



Na nomber di su Esposa: Lourdes Donata e/v Wever

Yiunan: Jairo Wever y Yiuinan

Jorge Wever y Liseth Rivillas e/v Wever

Mama di su nietanan: Marisol Correa Cuevas
Nietonan: Evelyn Wever e/v Lacle y Alexander Lacle
Diego Wever y Jeky Gonzalez
Maverick (Merv)Wever, Jeily Loaiza y yiu
Abigail (Aby) Wever†
Justin Wever y Mary Prins
Gabriela (Gaby)Wever

Mayornan: Felix Wever† y Susana Boekhoudt e/v Wever†

Rumanan: Fransisca (Wiew)Wever e/v Hernandez† y Fransisco Hernandez†
Luisa Beltranda (Betty) Wever e/v vd Linden y Gregorio (Goy) vd Linden y yiuinan
Salvador de Nieves (Panchito) Wever† y yiuinan
Luisa Flora Wever y yuinan
Ignacio (Shona) Wever y Yuinan
Aura Rita Wever y Yuinan
Lorenzo Isaías (Chai) Wever† y Yiu
Esmeralda Wever e/v Tromp y Efraim Tromp y Yuinan
Maria Mercedes (Chede) Wever† y Yiu
Andres (Andy) Wever
Angelica Wever†

Suegro y Suegra: Jose Donata y Susita (Lulu/Lusita) Geerman e/v Donata†

Sw a y cuñanan: Rita Donata e/v Oduber y Oscar Oduber
Nicolina Donata e/v Ruiz y Erik Ruiz y yiuinan
Jose Miguel (Joselito) Donata
Mistica (Mimi) Maduro e/v Mercera, Henny Mercera y yiuinan
Giovany (Gio) Solognier y yiuinan
Dario Solognier y Helen Ras y yiuinan
Hubert (Ibi) Solognier y yiuinan
Erick Solognier y Elisabet Solognier y yiu,
Mario (Maikel) Solognier y yiuinan
Ramon Peterson
Theresita (Sita) Winterdal w/v Rafini
Erica Aida (Ada) Maduro e/v Werleman
Fabian Werleman†

Bisanieta: Helena Aristizabal

Manera Bisanieta: Alana Colina, Geraldine Cornes, Sue-Anne Cornes, Tristan Cornes

Subrino y Subrina: Roland (Lanchi) Hernandez y yiuinan
Ivan vd Linden y yiuinan
Emerina (Emy) vd Linden y yuinan
Patricio (Ticho) vd Linden y Maria Helena y yiuinan
Abisai vd Linden y yiuinan
Micaela (Mica) vd Linden y yiuinan
Rosita Wever e/v Koeiman, Jose Koeiman y yiuinan
Anthony Wever, Esposa y yiuinan
Esdras (Etchi) Peterson, Esposa y yiuinan
Izar (Jacho) Peterson, Adriana y yiuinan
Jasmin Peterson y yiuinan
Jennifer (Jenny) Peterson, Esposo y yiuinan
Gwendeline (Wendy) Wever y yiuinan
Eugene Tromp, Esposa y yiuinan
Susan Pierina (Pinina) Tromp y yiuinan
Erick Wever, esposa y yiuinan
Daniel Wever, esposa y yiuinan
Kathleen Werleman, esposo y yiuinan

Manera Subrina: Sheree, Sulayka , Desiree Dorothal

Manera nietonan: Eldric Ruiz, Jordano Ruiz, Nicole Ruiz, Jeanmark House, Nadine Solognier y Walter Everon y yiuinan, Darrel Solognier, Aileen Solognier, Jorge Solognier, Santiago Solognier, Elizabeth Solognier, Herson Loaiza, Johnyer (Jay Jay) Loaiza

Manera Bisanieto: Rochendrick (Ro) Boekhoudt, Gion Gomez, Xandrick (Zen) Maduro y su adorado tormento Giovany (Doegie) Gomez Jr.

Comer: Seagrid Ras e/v Frank y Nel Frank y yiuinan

Amiga di cas: Emilia Murcia

Miho Bisinjanan: Sira Allen y famia, Olga Vlijt y famia, Lina Tromp y famia , Pascuala Lopez y famia

Su bon amigonan: Jacinto Dirks y Mildred Dirks-Leo
Boei Wever, Kenneth Celaire, Chon Wever, Nandito Hodge, Erwin Martijn, Crecencio Donata, Simeon Donata, Mario Bislip, Heiden Arjona Quintero
Ex coleganan di: Unisales Corporation N.V., ASISCO Inspection LTD

Tanta y omonan, primo y primanan y demas conocir y famia: Wever, Donata, Hernandez, v/d Linden, Geerman, Werleman, Tromp, Maduro, Peterson, Ruiz, Oduber, Petrochi, Kelly, Boekhoudt, Lampe (na Venezuela), Rustveld, Thijzen, Croes, Lopez, Tobel, Dorothal, Schwengle, Solognier, Rivillas, Zapata, Kok (Hulanda), Bakker (Hulanda), Mercera (Curacao), Isebia (Curacao), Meyers (Curacao), Correa-Cuevas (Colombia) Cuevas-Morales (Colombia), Taylor, Besaril, Wernet, Rojas, Ras, Frank, Colina, Cornes, Gomez, House, Prins, Kock, Silberie, Loaiza, Gonzalez

Agradecimento na: Dr. Alex Schwengle, Dr. Johny v/d Linden y asistente, Staff y personal Dr. Horacio Oduber Hospital Edificio B piso 4, Stichting Wilhelmina Kanker Fonds, Lupina Croes, Lola Geerman, Deborah Mc Dougal, Iraida Daal.

Ta invita tur famia, amigo, bisia y conocirnan pa asisti na e acto di entierro cual ta tuma lugar **Diahuebs 5 di Februari 2026** di 9’or pa 11’or di mainta na Ad Patres funeral home & crematorium San Nicolaas y despues saliendo pa santana central na Sabana Basora.

Adres pa condolencia: Ad Patres funeral home & crematorium San Nicolaas. Fecha y orario: **Diaranzon 4 di Februari** di 7’or pm pa 9’or pm

Staff y personal di Ad Patres funeral home & crematorium San Nicolaas ta extende nos mas sincero condolencia na famianan di e fayecido.



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com